

諸
暨
詩
英

第
三
冊

諸暨圖書館
ZHUJI LIBRARY

諸暨詩英卷十

諸暨圖書館
ZHUJI LIBRARY

諸暨詩英卷十

邑人徐道政病无編

男頌煥楚樵校



壽于牧

字貢九號蔗餘墨城人諸生著有借一枝樓詩稿○茂才為達夫先生子生時先生已六十餘矣故自號蔗餘早歲與余小頗先生相唱和詩有奇氣惜少鍛鍊茲錄數作皆稿中極完善者

題墨湖傲霜圖

男兒不得志傲骨何嶙峋秋菊不趨時風期自相親
花開遲暮人貧賤倔強恃有精神鍊掀髯一笑老圃開陋彼桃李盡
凡豔吾家阿咸柴桑傳廓然胸臆凌清秋家徒四壁無
長物菽藿百本輕王侯示我傲霜圖一幅稜稜風骨秋
霜肅知君朝夕餐落英槎枒逸氣撐空腹吁嗟乎天亦
不為菊而霜菊亦不為霜而芳人非貧賤始兀傲要惟
本之固者外莫戕墨湖兮墨湖爾毋骯髒悲窮途吾輩
間適天所靳不嫌骨立形容臞西風籬下一杯酒瘦絕
似花真吾友禿襟短袖詩百篇塵世何妨開笑口吾將
上呼竹

林賢下揖蓮社禪與爾花下共周旋有花有酒興陶然置身直在羲皇前

落葉

如此年華度驚心暗自知精神收斂處霜雪抵當時雲冷堆山徑波寒漲水湄况予憔悴甚幾歎鬢成絲

余小頗曰遺貌取神
爲此題別開生面

不寐

撼櫺風雨夜蕭蕭愁擁青氈耐寂寥儘有世情都入想并難夢境破無聊思逢絕處多成幻意覺平時尚帶驕悔卻十年昏睡過未曾鷄唱舞中宵

窮愁况味語語從體
驗而出此謂真詩

自嘆

如贅空存七尺軀何堪世路日崎嶇猿腸已斷生無望駿骨雖奇死亦枯破篋竊衣悲黠鼠焚爐吹火笑妖狐故園歸去家何在自嘆寒酸一腐儒

余小頗曰駿骨七字
嘔出心肝必傳之句

吳膺洛

字寶書一字宓川號子樵留子里人諸生○先生爲沅芷先生從子善臨池行草尤渾勁絕倫嘗書三帙分貽三子名曰筆樵意頗自負趙蔡舫尚書以書名當代時督學吾浙見先生書大嘆服亟延入署縱論累日自謂不逮臨別書四大幅贈之蓋傾倒者至矣

八駿圖

渥洼神龍產九子一子蜿蜒隨入水其餘四足慣騰雲昂首長鳴俟知己
不願五陵逐少年黃金控勒珊瑚鞭不願幽并偕遊俠恩仇歷歷爭毫髮
況今太平無鼙鼓將軍卸甲酣歌舞不貴特兀貴調良祇取豐神屈雄武
余生亦有王濟癖浪向風塵收駿骨不知燕市幾千金可似君家一枝筆

送金古齋先生之山左

夙抱能經世長途豈憚勞裝輕知夢穩行遠更詩豪竹箭東南美風雲泰
岱高回看故鄉柳飛色上征袍

泉源萬斛才今始出山來揮手便千里壯懷時一開混黃神禹跡清白魯

詩覽詩英卷十
連臺奇句知難和還勞尺錦裁

采蓮曲

姊愛采蓮花妹愛采蓮子蓮花豈不嬌濃豔易生死

馬

快馬戲春陽健兒不敢近秋風塞上來萬里躡空影

古樂府

遺響

折柳贈行人征馬不知苦兒女苟情長何以先金鼓

邱鳴皋

字鶴亭邱邨人諸生著有竹香詩草

秋夜感懷

寒蛩吟四壁歲月去如流獨宿難為夜孤心易感秋挑燈刪舊句煮茗療
新愁性僻嫌城市惟期一畝謀

領聯渾成猶

存唐人風格

范蠡故宅

五湖歸去姓名存
山上紅桃山下邨
暮雨殘花西子夢
寒潮落日伍胥魂
荒臺秋老飛枯葉
碧嶽雲深泣斷猿
弔古不堪惆悵處
一巖明月照黃昏

春日間居

一甌花乳一聯詩
萬籟無聲獨坐時
深巷莫嫌春寂寂
竹鷄啼上海棠枝

馬

耀字行健一字時乾號且園馬家臨人監生○先生為復亭先生婦翁性敦厚好施與遠近推長者家有別墅曰且園亭榭花木勝絕一時雅善賞鑒所藏名人書畫可直數千金畫法倪迂灑

然出塵近人中無此高致馬

布帆

江干小立雨初晴
目極歸帆天際橫
新漲退時沙有迹
斷雲飛去水無聲
檣高直趁長風便
舵轉斜分夕照明
楚尾吳頭勞送客
年年記否故鄉情

落花

春日連絲細雨催
嫣紅亂落過牆來
誰家春色無關鎖
嫁與東風不用媒

壽

僑

原名鳳唐字子家號眉生墨城人道光甲辰順天榜舉人著有守經堂詩鈔○張蘭沚中丞云子家足迹幾遍天下嗜學強記於書無所不窺遺身世之窮為從古才人所未有發為詩歌怨而不怒得風人之正焉○吳沅芷曰眉生詩精深華妙無體不工而予尤愛其用典援古證今假形繪影微旨所寄點竄入神能令讀者哀感無端自得於縹緲即離之際○譚仲脩曰壽眉生先生詩如空山古柏但巢鸞鳳不容螻蟻又如幽并健兒臂鷹牽天盤辟自蒙

京邸苦寒自遣

十二讀史傳忼慨思龍門
二十登文壇力埽千人軍
意氣憚儕輩見者生
畏嗔不理家人產
遑問鷄與豚不樂對生客
安知敵與尊
盧雉未曾識
菽麥幾莫分清談
邵阿堵堅坐祛俗氛
幕天而席地
渾靈全其真
惟有見異書如披希世珍
把玩不去手
相對忘晨昏
嗜奇已成癖
所學良不醇
人事歷軼軻
旅况易艱辛
即今被飢驅
詎染无規塵
黃梁縱未熟
於我如浮雲

憶京師舊遊呈粵東廖子喬明經紀

憶昨居京師苦志無營求
名場紛角逐身賤得自由
布衣躡芒屨長揖輕
王侯有時好苦吟
諸老共唱酬
謂此寒俊士不比凡毛
傳會當假銜轡俾

得嘶騷騷立維故無地米盡備奴愁浩歌出金石戶外聞鳴騶同調兩三

得嘶驂騶立錐故無地米盡傭奴愁浩歌出金石戶外聞鳴騶同調兩三人屈指皆貴遊泥飲無算爵大嚼羅珍羞經史為商權詩文為校讐其時豐城氣鬱鬱衝斗牛十上不中第言至崑崙邱崑崙本仙都寂寞常依劉滿堂人語喧中心唯復不悶絕思欲逃如骨鯁在喉茲事成痼疾暝眩終弗瘳峨冠自舉禹窮鳥多啁啾回首長安城遠在天東頭九重尚求賢河海無細流願假凌風翼送我歸神州

夜夢段氏外孫作此遺之

汝祖吾老友軒軒最閎達汝父我嬌甥亭亭頗雋拔哀哉結禱後延明未造閨一朝患河魚遽被玉樓札呱泣汝初孩彌留竟拋割汝祖迫桑榆衰年復奄忽姑婦兩煢嫠寄命汝一髮我時徒步回頓足起悲怛嗚呼天何酷移災到門闕汝今甫十齡汝母二十八念汝尚癡騃未忘雜亂聒去年在我旁童蒙笑未豁顧獨知畏懼俯首受饋撻今年送汝歸汝母轉艱窶

詩覽詩卷十
生計危米鹽餘憂及衣襪祖母更仁慈無言但感額我口方激勸我心愈
鬱勃愧非喬木枝况遭斧斤伐汝類脫鞴鷹雖狂胡忍喝昨夢汝來前使
我目頻刮背書劇從容作字亦秀發母乃汝祖靈與汝相提掇願汝效良
駒和鸞赴鏘戛勿為泛駕馬跡弛貽顛蹶汝叔學問醇汝兄規模闊努力
博庭歡用以慰吾渴待吾行束裝為汝縛脩筏

感念存亡悲喜交集
真摯處不減老杜

送吳漱巖入都

落葉滿庭階西風已如客迢迢遠遊子忽上長安陌長安多貴人九衢紛
列戟跌宕天門開宸章煥金碧未脩封禪書先進賢良策蠻觸方構難頽
洞乾坤隔東南盛豺虎潢池沸苞葉縣官警宵衣殷憂在宮掖公等學皋
夔何以靖兵革永肩報國心昌言發前席母事向鷓雛逡巡腐鼠嚇

苦志吟

舉頭見明星 明星在天不可摘 側足望秋槎 秋槎一去無消息 豐城劔氣騰夜光 天姬得之雲錦張 罡風捲地忽吹散 土花蕭瑟委路傍 人生在世苦零落 羽毛日悴支公鶴 百萬軍中無孟勞 妙手空空矜徒搏 一搏不中兮 愁復愁 但聞四山倦鳥啼啾啾

讀淮陰侯傳

伍子困頓作吳飲 百里蒼黃入秦徼 從古英豪雌伏多 始為屈蠖後飛豹 栖栖韓王孫 落魄淮陰釣 烈士在泥塗 倚劍空長嘯 是何年少相侵陵 熟視俯伏市人笑 干將不斬庸豎頭 大勇若怯剛濟柔 豈無孤注拌一擲 礪礪易缺非良謀 惜哉將軍晚節誤 物忌盛滿招悔尤 未央宮中烹功狗 三齊假王成贅疣 嗚呼貧白眼 貴赤族 兩亭長妻計何毒 漂母祠中聞鬼哭

猶是尋常議論拈出
兩亭長妻便覺新穎

靈石曉發

鈴語空籠月正彎驅車直上翠微間千行眉鎖秦城柳九折腸迴晉地山
如我正宜彈劍缺有人相對憶刀環可憐思婦樓頭鏡曾照梁鴻昔日顏

一氣旋折音節高亮
似青邱集中名作

過水磨關

浮生不放馬蹄間一笑重過水磨關河抱斷冰猶夾岸天連殘雪不分山
春光澹沲渾也夢倦鳥雛徙久未還我本維摩詩弟子偶緣塵劫落人間

郎當

郎當曲裏度朝昏雞句相看笑語溫放出驕陽天破悶滴殘雨水消魂
疲牛曳石聲如沸老樹迎車勢欲吞行徧亂山人意倦炊烟一縷透孤邨

奉送唐子方太守

樹義之任蘭州唐由權署固原憲副轉

隴雲深處笑彈冠一帶河清馬上看暝色乍含疎柳潤冬心常抱古梅寒
朝天有夢依雙闕夾道無塵過六盤見說蕭關諸父老為公日日祝平安

庚子初冬下第南歸留別京師諸友

西風獵獵近黃昏倦客搖鞭出國門萬事都留泥爪在一生賴有酒腸溫

蕭條祇為虛名誤推解難忘知己恩且奉韋編傍親舍浮雲消長不須論

碧落於今兩侍郎九州新失魯靈光時蔣丹林太夫子已捐館舍曾邀童冠脩清契幸埒淵

源入講堂繩武不愁三徑改指譽侯編脩聞歌私恨一莊荒當年早上蘭臺聚同

待南州顧野王謂南雅師

嵯峨隴阪極天高壯士回車夢最勞十里鶯花趨雒下二陵風雨薄成皋

略覘形勝原無憾能奮艱危亦自豪記得文翁珍重意臨行親與贈綈袍

謂唐太守

頻年勒帛淺深紅天賜餘生作寓公胸次飽吞星宿海功名微觸石尤風

屏除意氣埋長缺收拾光陰付短篷猶有知交耐清冷好將消息問郵筒

扁舟歸去小蓬壺一枕溪山入畫圖花嶼停雲鷗結隊草堂斜日燕將雛

探奇明聖思何極拾翠秦淮興未孤屬與孔璋相對飲為儂含笑話純鱸

吳興陳秋穀與子約為西冷白下之遊

奉和丁子琳楚玉寒夜見懷之作

懷璧徒遭按劍嗔天涯愁絕轉蓬身與君同上彈棋局愧我原非擊筑人
入世已嗟文字賤無才猶喜性情真不堪潦倒逢知己珍重吟箋寄小春

游西子祠三首

苧蘿山下胡蝶飛苧蘿女兒採蓮歸浣紗石畔留香處千載何人識素衣
姑蘇麋鹿事匆匆越國山河起大風惟有捧心人絕代含顰早報館娃宮
香車寶馬南城社水佩雲裳西子祠蠻翠向人猶媚媼金鷄啼怨暮春時

黃其煥

字雲巖璜山人諸生

聞砧

西風初起雁南飛幾處砧聲送落暉試聽樓頭吹玉笛一生未解寄寒衣

妙從對面說
出未經人道

梁武帝

鎮日宮中誦佛聲終嫌凡俗隔三清臺城不啜人間食才覺飛昇體骨輕

南唐後主

椒房堪笑類僧房生就閻黎是六郎救苦聲中城已破過淮猶禮普先王

傅克莊

字敬胤號蒙園藍田人
諸生著有蒙園存草

哭趙靜淵

約共秋風戰棘籬無端分手誤前期逝如歸去君原達信自飛來我尚疑
壯志未能虹吐氣遺文應許豹留皮最憐一事傷情甚白首高堂永訣時

諸暨詩英卷十一

邑人徐道政病无編

男頌標楚樵校

鄺滋德

字言號黃芝浣東人監生著有半情居遺集九卷○郭復亭曰先生隱居浣溪絕意進取專肆力於詩五古胎息三謝脫去畦町七古雅近鄉先生鐵笛道人近體風格迥上雖好隸事總無凡豔吾鄉自傳莫庵陳月泉後此為銅音生平持論斷斷少可多否與乃弟藜生各樹一幟皆余畏友也今不可復得矣撰輯遺稿惘然累日

半情居坐雨懷五洩龍湫瀑布

卷書苦俗客冥然起遐思五洩風雨中草樹皆遊戲巨峯圻波濤一折一變異碎飛萬古雪五色動流利得雨長猿心借風開鶴意昔與默禪老乘
躑擬攸寄一聲啞眾響妙語無文字花光墮地晴秋影團身翠未便離氛
垢因之思素食重遊空五載佳趣但言記謝逋懼山靈持以清夢寐
初遊東湫響鐵嶺見鬱孤堆藍諸勝
一水學飛仙五變自天下露立千怪峯青蒼為雄霸陰陽互開闔元明異

晝夜而我藉秋雲路向猿鶴借菖蒲及人長竹葉比扇大油油草木馨先
耳目無暇絕頂留夏雷喧秋不能罷遙想一綫天摘星搆月榭鐵鑠絕浮
梁厚地雲力架兩堆盤古墳鬱碑不肯化天琛秘龍宮仙珮遺熊舍甘分
游鹿豕奚俟畢婚嫁金仙道既遠玉女言恐詐勸躡劉阮蹤自有桃花迓

二詩洗鍊之極仍歸自然
皮傳鮑謝者不能道隻字

白石山

曉雨過蘭若白雲青數峯雲本非常性山亦無定容緣澗意已遠經聲出
深松不知人境處但有碧苔封孤梅靜自開潭烟低溶溶當年褚伯玉高
邁此遺蹤蘿徑倘相訪花徧菖蒲叢

由翠微登白洋尖日暮得月還飲周午莊家同孟三及四舍弟
山遊因興生不豫暮鐘計一峯臨几席十里行始至青冥極窈窕歷尖乃
窪巋笑言客何為凌雲本來意烈風恐不牢下視良非易卻顧翠微徑松

色遊深闕漸踏欲崩石千丈足先試蒼然暮靄墮纖月出荷芰目過及後

色遂深閎漸踏欲崩石千丈足先試蒼然暮靄墮纖月出荷芰目遇及後
忘心空得前記纔是出山人勞問山中事

取徑
幽極

寶刀

匣中東倭鐵精金云百鍊往往風雨來青紅光變見未曾殺一人安知鉛
刀賤

逃瘴抵長清嶺晚留徐氏山莊

攝身無長策小疾令身暇山靈久寂寞星言邈余駕屨香綠雲藉衣滑紅
泉瀉石闕表芙蓉迴日光相射一峯狀削成坪絕開茅舍列樹靜如待奔
嶺騫若迓蜿蜒金守宮云是神物化或睹三青鳥絳節飄來乍燃星叩松
關仙路庶可借

南宋趙千里江山風景圖卷

千里名伯駒宋宗
室高宗極重其畫

一峯前立碧無天一峯忽墜青冥烟兩山騫伏各異態中橫萬里之重淵
 有宋王孫趙千里拂素吮豪興不已走山驅江歷沓來遠林雜樹芊綿起
 細看白鵝貼波悠稍覺碧雲出谷流滿目榮華無桃李緣延陂陀風景幽
 東西人家看咫尺寒波欲近疎雲隔危磯那得汲泉人小樓獨對彈琴客
 崩岸初疑狼居胥浩渺又似錢唐湖解衣盤礴有深致令我卻憶南渡初
 吳越蹂躪橫北騎廟堂最善偏安計好山好水擲與人殘石枯枝作兒戲

高宗善竹石

小朝真與一隅同王孫本具感興風當時觀察兩兄弟筆妙亦復蒙

恩隆

千里弟伯驢字希遠仕至觀察使畫與千里齊名

往見吳市伯驢畫索價未肯千金賣今逢此卷信

有神駒誠麒麟驢當拜放眼休歎無冀青卷圖便欲置幽并拉雜摧燒慎
 勿返忍聽錢唐潮汐聲吾家賢阮舊愛讀寄書草堂留此幅風景不殊太
 平時山好長青水長綠

一起突兀以下稍嫌繁碎後半推開說到南渡編安興會淋漓全篇俱振

傷哉行

并序

庚戌八月十三日驟風雨越中蛟大發既被水岷甚於暨城中閉關不足
水自女牆淹入漂毀民居物貨浮屍如萍而吾暨上鑊鋪有山忽擘半峯
去申塢山兩厓存其一水退瀕湖居民數百萬家無以存活多挈少長流
徙遠方棄子女嬰孩於陂塘水咽不流豈蒼蒼者喪其橐籥乖好生之德
乎抑別有云云耶肝腸慘裂不復成詠

洞庭老蛟幻少年雨工怒步神女鞭海波滴石流涓涓寒星汨沒無邊天
人生殘命如秋蕙競採琅玕學船製請看鷗鳥逐浮蘋願作楊花訴上帝
祝融翦蛟赤如火血染雙角持贈我雲裏有仙睡不成夜深病鶴空中墜
桂開幽露香裊裊刃憐割愛生意少明日陂塘人腊高碧漢無情憂天曉

寄友

浮雲與春色南下大江流水落孤帆遠天寒幾樹秋懶眠常近夢多病又

宜愁寄札孤飛翼相思吳楚頭

工於發端
似出太白

偕山霞舟行訪浣紗石

北風吹不休勸我棹漁舟到岸日初墮聞鐘山更幽秋聲連遠樹暮色動
遙洲待月重攜手題詩記昔遊

逢家惺齋

生得幾回醉休辭金屈卮似爾纔傾蓋如夢乍相思鵲俊高秋日松驕暮

雪時千金一寶劍脫手贈桓伊

惺齋善吹笛子
有佳竹因贈之

竟體高逸
頸聯尤奇

登五洩禪寺後山絕頂

冽冽北風動野梅還吹飛霰上高臺富春江白潮初長少女峯青雪欲來

少女峯在浦
江即仙華山

對客莊生漫論佛談天鄒衍悔多才相思且極登臨興不盡東

南鳧雁哀

五洩靈默禪師道場

默師卓錫誅茅處古木荒臺翠作屏
一院寒鐘催白日半天飛雪破青冥
應多鶴使傳春信不少仙人擁玉輶
解說西來無上義夜深惟有老龍聽

贈郭復亭

巨靈擘華導黃河天險神工豈易摩
翻卻賀囊知錦少奪將江筆得花多
星移冀北無良馬日下淮南有去波
難爾三冬文史足頻勞東望一漁蓑
款著林宗本軼才當軒下馬並鄒枚
君舉甫起山先生曾與斯君松亭過訪寒廬哀猿巫峽雲邊出
王母旌旗日下來早識芙蓉秋思遠
重逢楊柳翠眉開笑余濩落真無用
佇望榮光燭上台

獨遊

一春能得幾時間日日浮雲橫遠山
不是多情卻多事梅花尋見又空還

妙語
解頤

宿雙龍湫室聽雨

山月窺人一室明
閉門枕畔落溪聲
半宵飛雨催人夢
夢與山僧乞曉晴

周惺然

字篤甫藏綠隴人道光己酉拔貢歷任朔平甯武潞安知府著有寶帚詩略雙紅豆館詞鈔○
太守歷典名郡歸橐蕭然可見清操嘗受詞學於陶亮香先生深得南宋嫡髓詩亦宗尚宋人
自開生面近時鄉
先輩中所僅見也

游家坪題壁

昔聞胡盧峪盜賊萃淵藪
今茲捧檄來窅窅穿雲岫
怪石突峻增撲人如
奇獸蟻緣僅容趾俯視魂飛驟
溯自明網弛羣孽捷獲狄負嵎孰敢櫻
蔓延卅年久觥觥趙使君名吉士知謀富輻輳
勦撫運神機掃蕩快爬垢迄今
百餘年蕙蓑勤畊耨元氣賴涵濡
漸漸望殷阜何物鐵柱冠訛言遽入奏
御史馮清聘奏定捕風起驚波挖肉作瘡痂
永永為成例一歲兩稽究供億困窮黎
騷累及雞狗市少醉人行雨泣路旁叟
譬如無病時先期施鍼灸雖曰防

未形腐爛過肌膝嗟此山中氓負痛等拷祖萬一迫肌寒鉅險廉弱糶疆

未形腐爛遍肌腠嗟此山中氓負痛等拷扭萬一迫肌寒鋌險糜芻糗疆
圻多石畫乞早賜拯救

恤民無告防患未萌鑿鑿言之似一則名臣奏疏

雜感

依然城郭鶴初歸一榻青苔舊雨稀山勢隨雲都北向夢魂似雁總南飛
疎櫺紙破迷浮堪老樹陰濃閣夕暉寄語西溪溪畔柳時時為我掃漁磯

亂後四首

曲曲浣溪盡惡氛羅平妖鳥沸成羣婆心莫挽紅羊劫毒霧都由白甲軍
包立中訛傳能作五里霧避難者數十萬殺戮殆盡淡月梅花香破屋春風燕子絮荒墳未能殺賊真堪恨
枉讀珠鈐祕笈文

其二

蕭條井里少人行赭瓦頽垣入望平鵠面忽驚逢野叟烏鈔又復苦官兵

華星撒地青磷火血淚盈波杜宇聲十萬頭臚一抔土我來何處哭蒼生

其三

斗米千錢喚奈何啾啾薜荔唱山阿佛經薜荔為餓鬼朱門舊第鶉衣結白日巖城

虎迹多雨過平疇唯宅草風吹錢鎖猛催科青鳧數貫田千噸書券真教

掛樹柯

其四

為搜丁壯括資糧設卡村村毒網張蔡女胡笳憐瑣尾昭陵玉匣儘悲涼

廢階蘚蝕新書帙僵木霜淒古戰場我佛亦教隨劫燼山河放眼感滄桑

晉陽雜詠八首之二

桐葉分封帶礪初干戈六代勝遺墟虬髯雄屈真人坐犀粟禪開帝子居

小五台為晉王別業五月山深遲割麥千潭水苦不生魚置身疑到鴻荒上甌脫遺風

穴處餘

蕭蕭塵舍間荒阡斷瓦零碎不計年鶴羽硝凝千點雪馬蹄塵哄一街烟

蕭蕭廡舍間荒阡斷瓦零磚不計年鵝羽硝凝千點雪馬蹄塵哄一街烟
淒涼古剎閒鐘鼓冷落春風欠管絃椰子新腔誇獨絕衣香釵影看場圓

馬牙硝俗
呼鵝毛硝

小樂村 三十首
之六

一椎擊不中芒碭遇真龍終始為韓耳赤松亡是公
公食皇阿黃黃酥

右張良

雪山莽白骨木偶煽金枝一滴銅仙淚輪臺悔已遲
雪天玉肘碧珠樊

右漢武

江左來夷吾灼灼家中賊一片石頭城那有蘇武節
人有兩關五氣神

右王導

典午崇任誕痛悼砥狂流何入昭陵匣不入文選樓

右王羲之

鐵笛一聲秋呼雲超鶴馭臣本白衣來還著白衣去

典平右楊維禎

萬里刀光白桃花戰血酣天生奇女子愧殺左甯南

右秦良玉

題彭述齋桐陰啜茗圖

圓甌紅定露華鮮憶品中冷第一泉雪樣鬢絲禪榻畔天涯憔悴杜樊川

宋太祖

貌貅千里擁旌旄赤面天生一世豪未識陳橋荒驛冷倉皇何處覓黃袍

郭璞墓

爪髮深埋閔翠苔玉棺遽下浪花堆游仙空秘青烏術幾見兒孫上冢來

徐諸仁

原名森字雲駿號書圖溪北人諸生

紅梅孝子歌

有序

孝子陳姓名巧官孝義鄉人年十三隨母采桑東隅口遇盜時母

孝子陳姓名巧官孝義鄉人年十三隨母采桑東隄口遇盜時母
已匿橋洞盜繫孝子詰問堅不答盜怒殺之梅樹下時順治九年
三月也其後梅歲開花作紅色人未知孝子事不之異歲久或於
梅下髻髯有見疑樹為崇伐之孝子遂憑身作鬼語歷述前事人
知始紅梅之異之為孝子也遂呼為紅梅孝子云

人生自古誰無死得所那如陳孝子孝子十三齡至性本天成殺身以成
仁大義早分明白刃蹈之甘並非髮膚賤心中祇有母一人刀踞斧鉞都
不見勁節直與梅爭奇血染梅花紅片片孝子死母勿悲阿母無兒乃有
兒曹娥入水負父屍古來子鵠本如斯作成人樣教人看兩間正氣神護
持花開花落血不滅靈氣來往春風時嗚呼人生自古誰無死得所那如
陳孝子

周乃大

字容卿號健庵藏綠塢人咸豐辛亥舉人官直隸武強吳橋任邱唐山知縣擢霸州知州著健庵詩存八卷○健庵性情豪邁才華敏贍傑出於周氏羣從然歷官皆權攝未盡所長晚始受

制府知將不次用之而已貴志沒矣詩長於馳騁七古希
蹤太白可云升堂原稿八卷郵寄僅四卷故所收止此

田居

新歲齊置酒長幼習威儀由來聚族居肺腑不容欺情農衆所責田蕪無
不治遠賈俗所輕親老爾宜知鄰閭或爭競曲直判無私相安惟樸實不
在騁言詞縱有心計人智巧靡所施竭來營薄宦素衣慮為緇回想田舍

中渺若羲皇時

陶桂芬曰說理撲質淡
而彌永是得陶韋派者

行路難

嗟乎危哉悲風萬里飄蓬梗微名羈絆拋鄉井畢世迍豈數奇終朝烜
赫僅天幸人但知劍閣崎嶇滄溟汨沒猛虎磨牙長虺吮血瘴霧日浸淫
流沙多毒熱痛性命兮難延望里閉兮永別嗟乎危哉有形之險已為災
無形之險更可哀高莫高於朝市深莫深於胸懷笑裏藏刀謫似貓腹中

置劍化為豺賢吾妨兮能吾害萋貝錦兮英雄摧君不見魏其初為大將

置劍化為豺賢吾妨兮能吾害萋貝錦兮英雄摧君不見魏其初為大將
日武安侍酒如子姪後來失勢陷阱多身徇灌夫同消滅又不見張耳陳
餘刎頸交一言不合旋相嘲血污游魂泚水上井陘旗鼓戰功高嗟乎危
哉婁相唾面馮道頑皮汨泥揚波歌糟舖醜生憎有骨不柔媚古之所予
今所棄翦翦若伊旦之忠曠曠若夷叔之義沙湮東海揚浮塵風吹南山
作平地存心常似金石堅處境何妨秦越異如此行路難亦易

陶桂芬曰舟中敵國笑裏藏刀末世人情大半如是三復斯作不禁撫膺長歎

醉歌行

高蹇車箔傾醇酒大觥先酬牛馬走騶乎騶乎若有知植立奚須斃土偶
男兒保全真面目扁鵲難醫心齷齪雙丸日月疾於梭一事能傳死亦足
遠遁枯禪覺太駭高談理學未免俗既不能金丹飽喫作神仙獨御罡風
上九天又不能坐論大道整宏綱元氣滋培國脈長或者千鈞有力霸王

猛手托華崧舉蓬梗利斧橫砍劇盜腰長繩牢繫匈奴頸埽盪烽烟致太
平雲臺妙寫英雄影自愧書生恒怯軀中原塗炭常悲哽十年漂泊憑官
海從前志向渺何在百僚班底伏潛魚落魄形骸意漸怠即使八州作督
三公召羌無功績顯光彩書官書蓋石碑高燐火成團空嚇鬼何如香醪
千斛瀉江流終南萬樹當酒籌快若長鯨吞溟渤人驚醉虎卧道周我為
官兮若為騶若能楚舞我齊謳眼中貴賤何區別北邙山前貉一邱

陶桂芬曰襟抱曠達
前身應是謫仙人

宮怨

監宮排比鴛鴦牒取次方將近紫宸又報平陽公主入紅箋袖裏進佳人

鄺致堯

字鹿君浣東人監生○君為黃芝之弟藜生之兄生平萬內
行勵實學為詩亦不落宋元以下年未三十費志以沒惜哉

山行即事

紅泉隱隱落松巔百折青山在眼前飽噉黃精不歸去白羊堆上掃雲眠

鄺青照 字子翰號慕生浣東人廩生著有青代江廬詩稿○鄺復序曰慕生少負異才傲脫一世自體

鄺青照

字子翰號藜生浣東人廩生著有青弋江廬詩稿○郭復亭曰藜生少負異才做晚一世自握管為詩即喜青蓮昌谷奇情逸藻天然敏妙非斤斤學步而得者後更出入王孟老杜波瀾壯闊卓然成家與予交逾二十年彼此相倚如膠之斲由今觀之自愧弗逮蓋學力可至性靈不可強也○鄺氏昆季皆能詩黃芝藜生其最著者藜生詩亦由黃芝指授而性情格調絕不相似擬之皇甫兄弟子安子循可云敵手

感興

公道久淪沒幽意誰與同世情異今古至道有污隆既悲首陽拙亦媿柳下工夜寐通八極出門迷西東停車哭歧路甯曰傷途窮

感遇一首訓懷初

朝華待未曦明鏡厭白髮含情逢晚晚問天兩脈脈憶昔垂髫日王猷正宏達四夷肅梯航九州富菽帛熙熙方無為豐大藁茅茁變更一須臾念之中心怛素女越銀河蒼黃弄精魄流光侵土階不復見莫莢蜩蟬競暮聲魚龍變故格從風驚蝶飛飄零棄朽麥守株己自疑夢蕉安能愜衢路有榛荆部婁無松柏芳蘭失露華那堪復摧折彼美天一方蹇脩遠疏隔

前車覆可傷，趨起循阡陌。舊琴怨更深，悽愴改音拍。起步荒庭間，書空累千百。庭樹好鳥來，驚颺暫斂翮。與子成邂逅，光陰况過客。取我崑玉盤，藏之黃金篋。什襲古錦囊，無任炫青白。匪言知者稀，精氣故未發。

郭復亭曰：歷敘身世言之愴然，余贈詩有高明集衆尤貞晦，貽百安句欲爲君絃韋之佩而結語及之，知良友已心許矣。

如意曲

手拍玉如意，高歌春風前。風姨月姊比肩聽，側耳不自整花鈿。歌殘一闋花一笑，牡丹芍藥生紫烟。紫烟化紫雲，送我廣寒去。廣寒諸女伴，貽我珊瑚樹。珊瑚不凋色，如霞年年春色駐。儂家儂家玉樹親，手種千秋萬歲還開花。

古怨歌

春蠶滿腹絲織成，光明綺纏絲在君身。微軀爲君死，依君雖死亦猶生。願君無渝終始情，誰道機頭坊樣多。舊者未舊，新者更抵死。依君君弗顧，柔

腸空為纏繇誤棄捐做篋顏色寒不如裂碎與君看

行路難

客行視浮雲東西南北自在飛浮雲變幻終還山客行憔悴將誰依季子
愁金盡王孫泣路歧山有豺狼行旅絕水無舟楫風濤危行路難長歔歔
途長日暮僕馬飢鶯花易感傷烟月足愁苦孤燈帳影夜幢幢窗前又聞
芭蕉雨大盜不操矛弧來客邸相逢如嬌女落魄喪貲向誰語
家有父母兄弟妻子千里萬里憑一紙魚鱗雁足那可恃魂夢昏昏弄假
真訛言緝緝操生死請君歸來斷馬蹄與君飢餓空山裏

擬古諸作皆
能自出新意

贈郭大懷初

郭子樸訥語不工滿腹奇氣鬱飛龍自言閱世不得意造我洗刷千古胸
秋林搖雨酒不熱高軒遠矚噴長虹詞論倒峽有根柢宗德遙溯汾陽公

心懸夷夏天為福身莫家國君無功英華渺渺山川盡時運悠悠感慨同
 何年何地無俊士人口幾輩長不死廊廟巖谷自升沈日星河嶽與終始
 誰非天地有用才胡為蓬茅能沒齒冠帶心銘委野榛文章血漬埋溝水
 小儒詹詹候蟲鳴平生冉冉春風駛酒邊花下樂如何古往今來事若此
 况逢世路生棘荆芝蘭摧折桂凋榮小狼騰躍大狼嗥老鳳衰病鷓鴣驚
 巢魅怪笑生碧火山魑散髮纏朱纓毛錐若能寶劍化誅蔓便有牡丹生
 簡蠹甯甘安螢死腐鼠長與餓鷗爭烟花此會愁無色日月何年洗更明
 聞君吐氣情不置鬱勃腸轉迴文字我生二十有九年十年前是太平事
 錯節良有知遇存投艱業以英雄試詩書多豈為浮名富貴大須有奇志
 赤鯉堅脩破浪鬢黃鵠整鍊凌雲翅英雄自昔少搜羅君相於今任才智
 丈夫峴岺藏大猷襟期遠拓羅九州眼前尺寸不自致閭闔峨峨路阻修
 泥塗神物須舉手宇宙生民會解憂變態風雲可百世放懷詩酒仍千秋

若爾研地悲水遊我笑仰天渺雲浮相視兩非蓬蒿人可論文采善風流

君酣斫地悲水逝我笑仰天渺雲浮相視兩非蓬蒿人何論文采舊風流

復亭曰語近夸大而筆力之雄傑氣象之壯闊直合青蓮老杜爲一手第愧僕非其人讀者論其詩可矣

畫菊贈郭懷初

菊趣忽從寒處得風霜昨夜天借力疾驅毫素出精神白帝雲旗墜秋色
寫菊兼寫石不受相促迫偶然心手應亂擁一峯碧取神在骨不在皮狀
花入性形轉非傲霜不信瘦垂露不信肥目電穿紙芒角生縱筆追之肖
東籬昔我生兮秋之季香國厭炎知涼味月華欲落破苞時垂露淋漓共
元氣豈飾素面合風塵故點芳心證天地屈醒陶醉千秋感願取清泉照
肝膽晚節甯教桃李知品不求濃求其淡郭子藝菊趣深長龍鬚鳳翎滿
山莊去年花開酒初熟今年酒熟花未香知君幽居發清興不可無花相
輝映兩袖挾西風珍重遠持贈延年蠲疾應有真且懸斯圖問仙徑南陽
縣甘谷水吾將移家旁其俟餐英換骨從此始

以上四詩工於發端
逼真感唐人手筆

訪浮塘趙十一夜話

四山語蜻蛚秋意滿浮塘水樹曳風碧火雲蒸雨黃我來訪琴鶴沿路下
牛羊茅屋時將暝烹茶愛夜長

月夜有懷郭懷初

得月思臨水開門清到心徘徊下寒葉淒咽聞孤砧幽意瀟湘遠回思烟
霧深願言招叔夜乘此抱瑤琴

錢唐曉發

柔艣破塵夢山靈笑我來飛濤并月去凝翠約鐘開露重鴻猶翥波寒鯉
未回棹歌動清越雲影獨徘徊

與上水樹一聯
皆得鍊字訣

中秋無月

骨肉中秋無月

骨肉睽離日常愁見月圓素娥解人意不忍弄嬋娟微雨含鄉淚青天憶
舊緣幾時重聚首無恙照晴川

只中秋無月耳卻從睽
離說入便能推陳出新

山居漫興

中隱聊藏拙多愁未得間惜身為祖父養志且雲山家累欣妻健才窮任
子頑黃精常自煮青鬢恐成斑

秋興

蟠雲仙桂能長曜依水芳蓮總莫存眼底烟花頻宛轉腸中冰炭異涼溫
寒蟾老兔天無主枯樹黃蒿雨又昏竟自飄零緣底事從前和煦豈忘恩
鴻鵠高飛泥爪留江頭悵望水悠悠依然落日烏衣巷終古西風黃鶴樓
寒翠陰晴皆似夢浮雲來去不關秋茅廬縱破青山在高卧何妨枕石頭
砧杵從風一味寒漁燈戍鼓夜漫漫豪華比屋炎涼別霜雪荒山道路難

短褐陶潛詩自好無魚馮煖缺頻彈琵琶不遇潯陽客催得蘆花月上灘
垂露淋漓筆正酣百年一息計真貪病雕力弱三霄在瘦蟹心橫萬里堪
夢到無花纔醒蝶桑如有蔭不離蠶未妨簾捲向叢菊澹冶容華兩兩參

夜望

水白不分岸月明柳數堆湖心一聲笛風雨入樓來

二十字中具大魄
力唐人亦不多見

浣溪漁歌

烟色碧於水溶溶裏月流漁人不打網醉卧浣溪頭

苧蘿好山色兒女解相思花逐春流去西施知不知

陽春歌

風吹桃李香繚繞玉妝臺珠簾盡日下那知青鳥來

夢中作

一山空萬象綠淨不容烟忽地松風倒飛濤瀉上天

水仙花

凌波仙子駕青鸞玉佩珠聯生曉寒斜側金杯頻勸飲臨風一笑酒痕乾
滿采青琳集作裳春波激灩照明妝瑤池謫下來時路羣玉山頭半月黃

春寒

金鴨香銷玉漏終宿醒未解怯當風小闌一夜梨花雨人在重簾短夢中

許雪門曰蘊藉風流不求深不求異自爾宜人

青梅詞

青梅古竹枝之遺風也吾師郭澹門孝廉有諸暨青梅詞百絕因效為之語無倫次存土風云

荷花塘裏盡菰蒲塘上女兒多麗都妾畏炎侵思得藕不知郎解種蓮無

大農湖北在縣畔水生蘋石佛山東在縣中花更新妾是大農長望歲郎如石

佛不知春

佛不知春

妾曾經過清溪曲名地到底還知郎骨清郎說移居明鏡里名地至今不照妾

心明

溪北湖西名兩地楊柳齊東南風至兩邊低郎家燕子妾家宿妾樹鶯兒郎

樹啼

妾行西埭名地采蘭芡郎去東河名水泛畫艫欲撇湖邊山兩瓣烟波天際望

三江

斯際華字秉鉞號松亭斯宅人同治丁卯舉人○郭復亭曰先師博學好古為文不徇時尚張湘濤先生典浙試始與鄉薦年已五十餘矣生平清操自勵始終一節沒後詩稿散失僅登一章比於

吉光片羽

于忠肅公祠墓

英風颯颯動靈旗如見戎樞決策時日返中天紆偉烈星沈少海起微辭
已教野井回鵠鵠偏向寒冰覓鷺鷺遺恨何殊三字獄同留高冢鎮湖湄

藥括本傳斷制
謹嚴居然史筆

傅墨林

字書田梅嶺人諸生
著有野花艸堂詩稿

秋夜即事

頻年羈旅感勞薪
塵榻荒涼寄此身
風峭釀成秋意味
霜高添得月精神
寒蟲慣逼殘更夢
孤雁偏驚異地人
夜靜微吟誰作伴
燈花一朶最相親

鑑湖即事

扁舟蕩漾碧琉璃
最好清涼五月時
十里荷花湖上路
四圍山色畫中詩
白翻鄰舫搖歌扇
紅拂江樓認酒旗
安得此身脫塵鞅
移家徑住水雲湄

嘲柳

春柳依依三五條
陶潛門外自飄搖
緣何未解先生意
纔遇東風便折腰

西湖詞

兒家生小住湖邨
秋月春花酒滿樽
莫厭銷金鍋太費
湖頭自有湧金門

孫篤祐 字光培號瘦生北城人附貢生著有瘦青樓詩草○君性伉直勇於為義邑文廟歲久傾圮

孫篤祐

字光培號瘦生北城人附貢生著有瘦青樓詩草○君性伉直勇於為義邑文廟歲久傾圮募貲重建積勞三載絲粟不妄費而殿宇壯麗有過於舊輿論翕然詩不多作然亦時露英氣

稱其為人馬

過勉如太史秋窗夜話聞撲簾風雨聲即和其韻

鬱不盡牢騷風來萬竅號鄉心和漏永詩思入秋高露氣沈刁斗霜花拂

佩刀玉關今夜月寒色上征袍

時話及陝甘未平

讀王君舟車吟書後

王君廷鼎字夢薇嘗轉漕潞河又解饟張家口歷黑水洋貌子馮

等處備述沿途風景輯北征舟車吟一卷以示予并索題詞

一卷新詩紀壯游男兒意氣蔑封侯身輕宦海風波險夢繞邊庭戰壘秋

無事飛書磨盾鼻儘教浙米向矛頭回歌獠舞紛紛進那解征夫萬斛愁

徐鳳藻

字若生山霞莊人諸生

壬戌經蓴塘見水面一婦人影宛然如生以石激之移時復聚蓋寇

亂時烈婦投水死者惜姓氏不可問矣

方塘一鑑影娉婷正氣能昭死後靈人與清流爭潔白天教碧水寫丹青
髻鬟欲動風吹浪魂魄空歸月滿汀待闌幽潛何處問惟留蘋藻薦芳馨

周錦藻

字心芸號也香藏綠陽人諸生也香性野弛耽吟咏頗有才氣而不拘禮度

白芍藥

羣玉攢成約帶圍當階翻影月華肥莫嫌金紫難消受宰相由來有白衣

關合有情
良由筆妙

諸暨國書館
ZHUJI LIBRARY

諸暨詩英續編卷一

邑人徐道政病无輯

男頌頹楚樵校

郭

肇

字復亭沙埭人諸生著有東埭詩文集八卷諸暨詩存十六卷徐道政曰先生資稟穎異中年得足疾遂專精文史詩古文辭根柢深遠與仁和譚復堂邑先輩吳沅芷鄺黃芝黎生諸先生互相切磋體文弱如好女子而健筆後

雲摩肩韓杜余小頗先生後一人也

曉登吳山

連峯破暝色海日升曛曛寒光薄萬瓦倒影上孤松澄湖曉烟生四顧青
濛濛大江互一氣混淪與之同南北相拱揖秀削兩芙蓉羣真陪一極列
岫皆附庸山川聚靈異宮觀啓蒙茸我行值秋杪灑氣摩高穹振策叩洞
戶舉袂揚天風下視闌闌交擾擾如蟻蠓三山不可即極目扶桑東

宿山家夜話

霜輪警幽夢雲壑息遐征巖棲閱修竹日夕寒烟生山人欣客至童穉有

謙
覽
詩
卷
一
懽迎瓦盆注村酒款曲由至誠喜子楮巢拙而無置罟嬰習勤得天貺積
賤遺世榮矧茲凜秋節寒籜隕有聲苑枯委大化衆庶疇能營晤言宵漏
促澗禽時一鳴出門起辨色行邁心怍怍

錢塘舟中曉望

逝川無停波晨風無停翰扁舟信晨夕咫尺異鄉縣首春風景和孤篷日
始爛灑森源澄江沿洄出高岸雅啼宿柳翻鳧唳長菱亂我行破清曉和
涉信幽眷眇彼雲中山氣象紛萬變遙峯隔吳越一一通繾綣烟消羣帝
出風起湘娥怨乍寧寫遠懷迷離豁塵觀浮生逐萍梗茲游復汗漫山靈
顧我笑邂逅成虛願中流思擊楫何時復清宴短歌無與隣長空有歸雁

雜詩

流雲掩素月戶牖憺不輝叢蘭被長棘華葉空自滋美人坐遙夜巾車來
何遲雙環明月璫結束生光儀妝成異時世但為薄俗嗤微妾抱區區物

故情不移願言永今夕白首以為期
朝飲搏桑林夕偃崑崙邱元冥望不極浩蕩長河流璇闕何璨爛霓旌夾
道周仙人雲中來飛駕驂兩虬貽我七襄錦光采世無儔匪言此物貴聊
慰斯須憂懷之不能寐故非心所求
人生如天地成功為過客浮雲薄太空豈有舊時迹仰彼北辰星精光何
弈弈誰為霄與塵相去不容隙羲輪有餘照爍火無留魄哀此歧路人皇
皇將安適
杖策欲何之四顧天地黑嚴冰積峻坂咫尺成荒域高高黃金臺下有初
生棘之子去遐遠徒御慘無色空房竄狐兔周道潛鬼蜮扳車泣路隅四
馬去不息幸託千金軀因君為羽翼三光有匿照何以耀微植望歸君不
歸湛憂其何極

贈鄺子

青照

君家浣江南我家浣江北兩家門前水同流不同息結交逾十載道在無
矜飾排風思孤騫躡景屈羣力三黜誓不遷一飯甯見德白雲亦匪遙何
為成苦憶采采蕙蘭花動輒絳荆棘咄哉杯酒間氣結不得直清露靡野
草嚴霜挺嘉植燕雁迭春秋斯理吾能測

丈夫不出門憂來忽無端層臺集冰霰始知形影單孤柯披疾風蹄涔生
洪瀾流言驚市虎念子摧心肝欽鴉翔毘樹鷓鴣戢其翰枯魚泣河流魴
魚有憂患高明集衆尤貞晦遺百安君子慎自返遑恤行路難
弱冠好聲詩心追太古前幽蘭在空谷含芬故自憐何意覲君子文采發
奇鮮膠漆一以投風雨遂不愆僮父事叫囂大雅忽如捐盛心感逝水薄
力慚空卷周觀思往哲而我情豈偏努力慎趨步期子以大年

浣江哀

疾風卷東海瞬息開烟霧靈雨起宿草萬彙思布護閭里感同仇百族相

謹諄側足久顛連揚眉始軒翥維時東安軍

時東安鄉義民包立生起兵距賊

桓桓熊虎踞奮

跡起隴畝大義示縞素一勝集貔貅再戰感狐兔用奇倏若神出險暇以

豫迫切水火心謂是天所助望風動遐陬矧以同井故援抱百里應立幟

千村互健兒白袴褶蹠躡肝膽露揮刀激風雲恍惚神靈護人懷戴天恥

何煩中露布峨峨浣江濱維昔釣游處男兒重橫行慷慨旄頭樹大書天

王字義聲載行路犄角誰最雄依稀孟

失概

與傅

直

連營無統率聚族異

宣募兩陣爭一險自朝迭至暮殺賊出至憤惶恤避刀鋸披荆日有攻破

竹今其庶困獸雖在檻望救日延僚突圍已張皇憑城猶枝梧俄傳萬賊

來殺氣騰墟墓倉卒遣百夫奮勇出前驅捐軀誠足矜失險將奚據

賊由紅硃

石礪渡江諸生陳某等百餘人逆戰死之

醜徒懲屢挫引類各奔赴蠡屯勢更攢豕突啖逾酗已成

累卵危尚以朽索馭婦孺誤風鶴比屋紛啼怖錯愕委戈鋌蒼黃失匕箸

懸懸東安壘坐大絕倚附謀夫志苟安咫尺不相顧臂指尚難屬勢無磐

石固以茲迭紛擾，倚角勢亦去。長驅西復東，大索昏達曙。連蔓盡洞然，蔽野遍僵仆。此凶古來少，矧乃櫻其怒。百六及陽九，數極天難籲。豪傑尚觀變，其失在太遽。覆水不再收，大錯愁難鑄。至今風雨夕，幽咽青燐語。側聞王師東，舊疾起沈痼。朝傳復明台，夕報屯衢婺。四夷尚效順，蠢茲甯為慮。轉憐浣江水，何時滌塵汙。乾坤當清夷，天日會再遇。冥鴻在中澤，網羅得無懼。百端起，方寸感惻念天步。

病中得蔡生見寄五平五仄詩，傲其體答之。

遙山含幽姿，流光盈吾廬。佳人南山陔，翩然貽雙魚。輝輝鴛鴦幃，纍纍龍珠焦。桐非今聲良，悲知音孤。經年罹烽塵，門庭嗟焚如。言歸營安巢，沈疴纏其軀。端憂無懼言，長吟心神徂。懷哉成連琴，甯儕齊門芋。臨風攄遐情，隨時貞良圖。澄心期無縈，荆榛為夷途。隴首一雨過，草樹出秀爽。撫景遂積感，百歲但偃仰。少壯不樹立，轉眼委

朽壤既凜虎尾畏復媿馬齒長矯志拂世故太古忽以往似子礫何意詎
昧物外賞盛業在不朽陋彼瓦缶響舊雨結繾綣好語辟塩塊積愆久莫
展對此意已廣幾日假羽翰與子歷浩蕩

吼山

終日愛舟行逶迤入山麓開鑿始何年刻此蒼龍腹神鏡刷雲根鬼斧鑿
地軸懸崖險欲墜古藤相結束衿壓帽檐仰視悚心目篙師穿巖罅有
如珠九曲細草亂蒙茸澄波暗漩湫老魚如人長唵嗎蓄石足日光倏明
晦風景變涼燠艤舟登其背乃見一簣覆隆然孕萬有幽怪各踰伏坡陀
交麥疇下有棲雲屋

山麓有石簣山房傳
是陶周望先生遺築

幽人不可見嘯歌緬芳躅

官軍來

紀庚申
武林事

官軍來城門開三月三日日再旦賊騎蹴蹋聲如雷昔為豺與虎今為狐
與鼠俄頃變風雲去去勿復語乃知此輩長技無開門揖盜計何愚十里

之城不能十日守皇天忍不容斯須武林門頭傳曉箭虎牙豹首人人羨
飲馬長江舊有名橫戈下瀨今才見轉眼城圍戰壘新黃昏風雨啼青燐
今日山頭萬人塚前宵猶望傳車塵乍看上將縮飛綬忽遣還軍屯細柳
錦袍繡褶爾真豪美酒大肉吾何有英雄許國猶飢溺眼中何得容羣醜
君不見關山鼓角日夜哀似聞更望官軍來嗚呼待來不早來坐令萬家
白骨揚寒灰

玉屏山人歌寄贈馮樂初

玉屏之山白雲邱山人烏帽紫綈裘方壺員嶠足揮灑虎頭龍眠無等俦
南入百粵東到海縹塵撲撲行且休坐倚孤松招猿鶴笑揮束帛輕王侯
憶昔逢君秋正晏吳山風雨開清讌樽前示我雙絹素
君畫雁宕圖及阿羅漢過海二卷 滿堂
空翠驚飛電雁蕩千峯入杳冥鮫宮百族窮殊態碧海桑田不計年朱顏
華髮須臾變翦燈重話舊遊日舊遊朱門重揖客上將珍筵飭玉廚中丞

寶帳起清瑟

君曾為奔將軍湘
梁中丞章鉅館客

禮成三爵笑開眉畫出千縑嗟動色壯盛驚心

逝水流繁華過眼輕雲瞥一別吳山今幾春天涯回首感風塵君去西湖

我南浦三秋日斷雙鴻鱗已惜馮唐成漢落猶逢楊意是交親

君近客揚明
府庭欽所

悠悠昔日巢居子寂寂仍為行路人聞君更作采芝圖玉莖赤箭光有無

歸來歸來歲聿暮白石青桂真吾徒天明未旦雪載塗行滕躑躅吾其吁

商山舊侶倘相待山人慎保千金軀

作此詩時君故無恙至次年二月竟
駕賊死不謂一時贈言遂成讖語也

夜起

山影壓檐檐忽低松梢斜挂春星齊暗風刮面霜入齒前山老鷓衝寒起

青天如掌落我前不知身卧蒼峯裏中宵劍氣忽飛揚瞬息萬里意茫茫

回頭顧影寂無語寒燈一穗搖青光

對酒歌贈別馮竹安

時將有閩
粵之行

丈夫不合老鄉里攬衣拔劍中夜起眼前斗酒安足辭世上浮名等閒耳

夫概城頭人食人驚沙漠漠無冬春間關百里餘百創昔時四口今一身
短策相逢東山下痛定思痛淚如瀉戰血斑斑猶在衣青絲種種不盈把
即今漂泊東西投滄海處處無安流嬌兒朽骨宿野草故妻荒櫬委山邱
餘生幸免虎狼噬旅食還生雀鼠愁相看七尺氣更吐雄心一夕飛秋浦
路幽勢絕神鬼通天愁地慘風雲舉由來奇傑奮險艱男兒肯道亂離苦
亂離已久仍別離勸君盡醉金屈危鳴鶴在野不相待浮雲還山安可期
君到天南應歲晚梅花嶺路一相思

登走馬岡訪錢武肅王遺蹟是日聞越城賊退

東白之山來向東層巒復嶂勢龍從迤迤北走三十里一峯突起凌蒼穹
會稽禹穴此胎息扶輿鬱積開屯蒙插天巨石倚長劍盤空絕磴環高墉
四面簇擁青芙蓉中央夭矯一神龍下視衆山失頭角帖卧平地如守宮
所託者高所憑厚此方雄鎮誰與同憶昔錢王專征討用奇間道偏師攻

五丁力士穿山脅長斧利鑿摩錚鏃修徑飛蛇闢雲棧嚴兵走馬攢霜鋒
羅平妖鳥坐殛死遂銘鐵券兼大封英雄事業去千載我來弔古心忡忡
岡頭二月多烈風裙屐六七載酒從同遊者鄴藜生金頭卷及家寶
珊蔚亭二叔卓卷執甫二弟也忽聽行人傳好
語鯨鮑遠徙窟宅空勝遊快事一時合岸憤大笑擲雙筇頻年亂離困窺
伏得此甯非荷天功山靈婉孌解人意嫣然萬壑回春容北望越臺氣鬱
蔥西陵南鎮青濛濛盡收奇境入詩素此行所得良已豐長嘯下山日未
暮樵歌隱隱寒雲重

苦旱行

黑雲盤盤壓松頂欲雨不雨電光迸北風掣雲雲倒迴癡龍卻卧荒江隈
十日不雨十指斂一家之命懸一人桔槔伊軋靡昏曉禾苗未槁心先槁
前年苦賊死劍矛今年苦旱死隴頭鄉里十人九人死千家聚落生荆杞
朝出望行雲赫日烈如焚暮出望行雲明河皎潔無纖氛聲希力盡呼不

詩覽講義卷一
得蒼蒼之天胡不聞老農不願食肉糜不願衣羅綺願得天公三日雨不止盡洗四海無甲兵使我四郊禾盡起

大風摧敗堵有聲感賦

居者忽起行者止白日欲匿崩雲駛東西百堵互掀颺若如平地喧驚雷摧枯拉朽甯足惜聞聲使我心悲哀去年狼虎入城邑磨牙吮血求人急村落無人一炬遺可憐華屋生荆棘辭家遠客餐風霜黃茅作屋石作牀有時狂飈振林木巢魁絕跡山魃藏只尺全迷身慘慄中宵數起心徬徨艱難百轉仍鄉井四壁嵯峨半欹整空餘斷砌長苔紋無復雕闌宿花影盲風怪雨經幾春眼見東海揚輕塵百年未半更百變過此誰復知其因君不見鄴水歌鐘銅雀下今古飄零一片瓦秋風灑涕胡為者

久不見藜生雪中獨酌有懷書此寄之

須雲壓簷撥不起雪花簸簸落我几此時獨酌無與鄰便憶江頭別酈子

江頭三月春正妍把君詩卷心陶然朗吟不知白日速浪花如雪催行船
我返浣溪居君作鴛湖客飢來驅人留不得一水盈盈兩愁絕嘉禾使君
正好賢謂許雪門太守尊酒論文肝膽熱西征幕府東閣賓都為清時養材傑憐君
七尺獨昂藏詩瓢劍匣意難量宛轉蛾眉傷謠詠秋風淚灑萼驢鄉竭來
衡茅下醉擁梅花卧陳縑疊如山新詩日成課我欲鼓柁造君廬舉首江
頭雪花大平生積愆有時寫不惜窮年意摧挫噫吁噫天涯瀕洞兮荆棘
為羅美人日夕兮山之阿起斟斗酒擊節歌如君意氣今豈多嗚呼如君
阨塞今豈多

東安烈士歌

善化許雪門太守有白鬢仙人歌紀包立生殺賊事頗涉神怪而
大節或略焉余密邇鄉里聞見尤確遂作此歌以廣之

東安烈士田舍兒劍眉珠目形顏奇朝驅黃犢夕負米少年恂恂拙言辭

軒后陰符豈解讀猿公劍術誰得知劫運將臨天驅使精誠所激神護持
圮橋受書事怪誕誓為鄉里扶顛危冬十一月義旗樹以少擊衆逸承疲
一勝再勝軍威震道旁京觀何纍纍醜徒切齒思報復陸致犀兕水蛟螭
連營卅里密如薺中懸一壘兀巖巖侵晨賊至大刀舉霓旌鶴氅坐指麾
六射不動衆心固一呼響應賊氣褫白日黯澹蚩尤霧陰風慘慄王母旗
八公草木戈甲動昆陽虎豹風霆馳須臾倚角外圍合徑裊渠率血淋漓
各村圍練雲集象賊帥潘某首遂大潰扁舟舉火千帳烈萬騎倒戈百夫追羣兇坐是挫精銳相
戒不敢窺藩籬踞巢老魅猶崛強是時羣賊喪膽惟據越陸首以殺其愛將憤甚乞救金陵合五路兵攻之收召殘衆勵
瘡痍乞援四出圍四匝自春徂夏無休時孤村坐困終非策累勝莫救萬
輩飢茫茫浩劫不可問一腔忠義感氓蚩地崩山摧壯士死海枯石爛雄
名垂皇朝中興申撻伐草莽臣亦奮鞭箠牽制羣賊罷奔命憤兵何暇抗
王師論功不在張許下千秋血食乃其宜我歌特彰烈士烈大書請勒祠

堂碑

題戴介村

蘭疇

先生孤山探梅照

明湖十里寒雲鋪雪花如掌天模糊蒼虬撐骨鳳偃尾南枝北枝香有無
山阿美人遲暮須先生髡巾貂襜褕朔吹栗烈飄髭鬚長身夭矯花不如
石腸欲和冰雪嚼鐵脚不倩桃竹扶一童何便娟恐是穎士奴一鶴何襪
襪不亞青田雛人間何地無藐姑且為懷古寄須臾畫師工似不工意霓
裳縞袂如可呼高人例有烟霞娛矧此瀛嶼濟方壺君復以後誰繼者寥
寥千載心神徂今之畫圖毋乃是我謂不然君曰俞積書遺子孫肯作孤
山孤足跡半城市甯學逋仙逋不師其迹師其意聊寫傲骨明區區何況
先生賦性殊壯年襟被金門趨索米歸來不快意笑索梅花問故吾即今
浪迹槐市居一氈矻矻元經儒揮毫偶作廣平賦焚硯不草文園書風塵
偃蹇豈真面濟時自有和羹徒攜來湖上蹟俟我城東隅筆底千瓊瑰花

下百醜醜展圖相向大軒渠仰天拊缶歌烏烏丹青規樞良有託我醉放
筆為鴉塗誰為寫此山澤矐看君不合賦遂初畫師好手倘再遇為君更
作東閣哦詩圖

楊柳篇追和酈黃芝上舍

并序

上舍作詩咸豐丙辰是時東南多事幽憂懣結託辭婉變蓋國風
變雅之義焉今承平已久上舍物故覽其遺稿興寄無端雖哀樂
殊途感遇則一追酬斯篇惜不能起上舍一證之也昔何仲默進
初唐四子而抑子美未為篤論然明月一篇力存風雅識者寔之
僕生平不善言情率爾效顰亦猶此義若以緣情綺麗視之則僕
之咎大矣世有知音庶雪斯言

種柳金城下翩翩當陽春風何日到催起蹋歌人歌聲裊裊碧烟重人
影珊珊綠波動一種風情誰主張萬方儀態自矜寵含情含態悶芳姿漏

洩春光知是誰玉檻風微猶宛轉綺櫳日暖已葳蕤腰肢妒殺三千隊
輦悅妝成十五時冉冉輕雲上鴉髻纖纖初月展蛾眉蛾眉鴉髻憐嬌小
鶯蹴鶯翻春太早迷離碧澗接通津匝匝紅牆臨古道此時蘭芷無薌澤
此時桃李空窈窕借問東風桃李花盈盈北里又南家賭來踟躕曾相識
賽盡鞦韆未足誇靚飾細蟬六銖服輕裝寶馬七香車五陵佳麗盛游冶
九陌逶迤連狹斜狹斜游冶春無賴就中自有關情最夾轂塵清半面窺
交疏月上傾身拜漫言雲雨夢高唐漫道豐姿迷下蔡翠幕親裁連理衣
青絲願綰同心帶同心同意得相將三起三眠傍苑牆不嫌碧玉小家女
不羨瑯琊大道王一蓋平分交讓宅雙株移植永豐坊甯知顏色經春改
祇道恩私比樹長恩私繾綣無新故流光荏苒異朝暮昨日柔條洛水濱
今日飛花石城路飛花不自禁隨風渡江去柔條不自由那挽離人住何處
柔條不戀人何日飛花能返樹

別沈素庭

大雅久不作風塵吾所憐
相思隔秋水一別暗遙天
海上瑤琴感人間寶劍篇
漫遊成底事秦望正蒼然

舟發晚浦

雞唱亂沙渚客行秋已淒
孤村臨水動遠岫入雲齊
舊約思莼繪新愁閱鼓聲
片帆何處泊又逐暮潮西


雨

滿目皆甲兵愁心復此時
江平孤嶼沒野曠斷雲危
絕壑魚龍變秋原鼠雀悲
瘡痍何日起三復大東詩

山居喜藜生至

百轉風塵際今知有爾身
艱難離虎穴生死託鮫人
志豈須史改天教閱歷真
孤飛有鴻雁愁絕剡溪春

時令兄黃芝尚羈剡中



昔別正徂暑今歸逼歲寒不知顏色改還似夢中看喜極翻無語愁多轉
自寬飛霜蘭蕙盡同是惜摧殘

新年亦羈滯風雪掩柴門衰世詩書賤嚴關虎豹尊長鑱歸未得短褐道
空存咫尺鄉愁起烽烟萬里昏

雷動嶺曉霽聞賊退喜作

千山開曉晴萬樹畫眉聲羣峭當頭出孤雲繞足生悲欣多難改去住異
鄉輕聞道豺狼徙翻深羈旅情

老將用蔣心餘先生韻

猿臂彎弓十石強五陵回首少年場馬蹄夢蹶千山雪驢背春馱兩鬢霜
老去厭厭傷髀肉醉中歷歷數刀瘡相逢猶說東征日十萬貔貅度白狼
庚申書事

莫問東南第一州湖山佳麗此時休虎林巖燧昏逾逼鳳嶺寒雲慘不收

萬騎無聲過枕上四郊多壘看旄頭茫茫浩劫天難問惟見沙蟲滿地愁
專城節鉞擁巍峨倉卒登陴喚奈何望救空懸昌義壘臨危誰奮魯陽戈
訛傳六日甦秦謀忽聽三軍和楚歌報國分明惟一死千秋遺恨溢江河
主客紛紛勢絕倫變生肘腋豈無因堞樓夜靜人投紡牙帳晨譁士脫巾
繆捕鄉都轉所統募勇多賊謀
竟戕統帥由清波門緹賊人
裹猶見元戎壁壘新時城陷七日惟
駐防營猶堅守
萬井菁騰殺氣中大旗颺處劍光紅忽聞鶴唳援軍至已報烏棲敵幕空
小隊銀鎗原有膽重門鐵鎖竟無功傷心三月清波路細柳新蒲日暮風

古意

錦字淒涼悲遠遊齊紈蕭瑟易驚秋故人織素經年別中婦流黃永夜愁
五里東南飛孔雀三重西北有高樓誰家千騎從門過白馬驪駒在上頭

姚令威墓

宋姚寬字令威舜
明子墓在姚家巷

秋山落葉雁飛初，卧碣荒涼入故墟。一死竟虛宣室問，九原空上茂陵書。
西溪喬木寒波外，南渡荒宮夕照餘。我亦羈棲正愁絕，干戈擾攘欲何如。

山莊漫興

趙馬嶺

茅檐漸暖曙光迴，白酒新筩已潑醅。野鳥鉤輅當畫語，山花躑躅向人開。

杜鵑一名山躑躅，山中多此花。

他鄉春好忘多難，亂世身閒媿不才。且喜行窩傍先壟，親從菟

豎翦蒿萊。

吉竹山房漫興

日閣峯陰晝景遲，壓檐涼翠夏偏宜。飛湍挾石有驚籟，深竹棲雲無定姿。
入夢家園江燕杳，在山情緒谷鶯知。掛瓢洗耳吾何敢，檢點殘編不忍遺。

聞官軍收復金華喜而有作

天分婺女此重關，百里饒歌奏凱還。三捷已聞兵似電，一麾真見令如山。
風清曉幕棲烏樂，日暖春垆牧馬閒。為報越臺今咫尺，蒼生早晚破愁顏。

明時大將倚書生

謂左手
高中丞

草檄曾隨細柳營一自中權膺重寄遂令小醜懾

橫行氣吞牛斗雙旌舉膽落鯨鯢萬礮鳴聖武祇今威九有迂儒不用議

銷兵

憶吉竹山房兼懷金氏諸舊好

巖卉林筵望不分四山併作翠氤氳臨溪盡日常疑雨閉戶一身猶帶雲
新筍香時惟縱酒好鶯啼後又離羣年來頻作還家夢更為還家苦憶君

從軍行

長安日夜羽書馳橫海旌旗出淀遲十丈樓船歌兩部至今羗笛不須吹
虎衛森嚴列戟高金卮滿酌醉葡萄將軍自有通侯骨帳下何人看佩刀
扶桑東去海為盃不斬長鯨誓不回黑浪如山天似蓋無人為築望鄉臺
歸舟雨中望抗烏山

鼓吹峯頭鼓吹生遙空仙樂聽難清靈輶畫下雲旗亂半是風聲半雨聲

山上鼓吹峯相傳有仙人往來時聞鼓吹聲

鄉心黯黯子規啼一夜春潮又滿隄撲面山光迎面雨片帆徑達浣紗溪

錢葆瑩

字挺生號藻村明鏡鄉江藻人清咸豐戊午舉人執試春官不第報捐戶部郎中受職是歲粵匪擾浙春避包村壬戌七月全家殉難在京聞耗奔歸收埋遺骸成十萬人墓立祠歲祭稱義舉馬余采詩至江藻公次子又村出其遺稿細讀之鍼縷密緻蓋學宋人者亟錄數首

蠡城口占

家在東南第一州千巖萬壑抱書樓清通賀監湖邊宅逸興王郎雪夜舟
梅墅橋頭花印月柯亭溪畔竹生秋閒來杖履南塘路指點鑪峯翠欲流

西陵渡

艸長江臯鶯亂飛楊花如雪趁人衣海門潮上征帆疾莎岸煙生釣艇稀
山菓成蹊催夏熟湖蕪入市賣朝肥清江月滿休辭醉佇聽譙鐘出翠微

九曲嶺

秋深樹禿萬山明澗斷峯回鳥道生青石寺前紅葉滿紫巖洞口白雲平

地饒橡栗為通市俗採茶桑亦代耕不畏當塗豺虎卧誰邀麋鹿作山行
出梁山

松楸鬱鬱草斑斑石子雷琅鳥道還不管荒郊煙霧冷夕陽瘦馬度梁山
郊行

尋將一路好煙霞暫駐游踪問酒家料得山頭前夜雨落紅流出半溪花
行行且止重行行半里崎嶇半里平叱犢一聲春水暖碧桃花外有人耕

雁宿池雜詠

白沙兩岸樹如薺半浸波光半拂堤砭我詩腸無俗韵攜將柑酒聽黃鸝

諸暨詩英續編卷二

邑人徐道政病无輯

男頌煥楚樵校

吳忠懷

初名頰炎號澄波亦曰淑甫復更今名號曰亮公琴弦岡人生有異稟讀書目數行下弱冠英
才卓爍初涉藝文升堂觀與學使徐樹銘枝郡士子見公文大奇之未幾登賢書備計吏北上
問業會稽李慈銘文在馬班之間詩則唐宋明清不拘一代屢試春闈僥得而失者再人皆惜
之公謂整頓河山匹夫有責何科第為甲午之役喪師渤海列強議瓜分中國公慨然以革新
為己任聲應南海康有為與瑞安陳志三山陰湯蟄仙聯合保浙會上書李相國言皆切中時
弊力圖振興不能用即日出都門遊江南北名山水浩然有啟門之志邑志久不修公憇文獻
散失乃集陳蓉署蔣笠山傳曉淵諸公網羅舊聞纂載成書山水人物等志多出其手繼而選
任海鹽教諭移攝仁和學篆又應聘為二戴書院山長所至獎訓士類使募成名公用世之志
至老不倦既見清季政綱益弛乃曰吾夜觀乾象畫察人事天之所廢不可支也乃昌言革命
叔翊忠學堂於邑東澧浦集俊秀子身為指授革命種子多出其門按公為學老而彌篤雖在
傳舍舟車手不釋卷故能博通墳籍談辭如雲為文光氣陸離見者眩目所載經策通纂一書
風行海內著述極富散在槐廬日記中其詩彙則經公門人周智荷錄出陳子韶及余為之校
定陳子長序之以待梓今選其十之
五六編入詩英恐其彙之久而佚也

青青原上草

青青原上草
槁陽不能枯
葱葱岸旁柳
經雨綠扶疏
涼颼昨夜起
物態各

自殊當春共生發及夏陰倍腴胡為秋節至一朝委平蕪匪不慕勁節時
序終難渝矯矯松柏姿霜雪不敢覩離離東籬菊開花正滿衢

擬崔子玉座右銘

崔氏世擅雕龍子玉名父之子銳志好學號稱儒宗手刃兄仇為
吏繫獄其後周旋鄧閻輸心權戚而議規于正雖杜喬奏其臧私
而李固美其文雅座右之銘蓋從憂患餘生而進於道之辭也可
與張衡勵志詩並傳不朽爰擬其辭曰

結髮事詩書夙志在雲驤君子慎跬步所積視慶殃雅意慕守默信口毋
雌黃入世不自謹令人持短長言行慎所忽螳穴穿隄防恐懼省躬寶同
塵戒和光近磁鍼可引躍冶金不祥冰淵期歲寒世業守縹緗

憶昔四章題常熟薛聚銘同年小像

憶昔偕計吏相逢沂水邊君裁逾弱冠我方及立年既忝同譜誼重以性

青
辨
去
皆
真
亭
酒
同
登
太
山
嶺
吳
州
一
匹
陳
齊
州
九
點
烟
當
時
增
嶽
氣
青

情聯共賭旗亭酒同登太山巔吳門一匹練齊州九點烟當時增嶮氣青
雲跬步前蹉跎近卅載白髮各被肩君奉吏部檄來歸浙水銓我為儒冠
誤今尚慚鄭虔

憶昔厲京邨折簡時相招君住宣南館我住虎坊橋舊雨半鬼錄捷足或
雲霄惟我二人在不死復不超飛鳥來浙右人共識王喬貧仕五斗米元
亮莫相嘲豈料米不得空折七尺腰

憶昔與君別一別念餘載脩名不自立中年始追悔蹭蹬多奇窮疑為虛
聲猥玉食飽侏儒華袞被傀儡庸庸多厚福頑劣庶免罪東坡期子心羅
橫名同改躍冶知不祥守黑今其殆無聊仍如昨容嘿已久待野性苦難
馴何由消磊砢漚蘋散忽聚強飯幸健在

憶昔君到浙平步入秋闈雖未綰墨綬積習願非違言游試割雞焉用牛
刀為爾時盛意氣豈料時事非牛李爭水火端禮樹豐碑聽鼓八載餘昭

諫仍白衣走也放形骸浪迹北山薇方圓不知利杓鑿味先機行空如天
馬倔強不受鞿今春覲薛返夢寐恍依稀共話別後悰臣朔同苦飢

出城赴靈隱道中占

籃輿向西行長隄矗而周嵐光淨如拭湖水碧於油山靜怡我心水清洗
我眸我眸本明鏡我心已閑鷗晚眺靈鷲洞夷曠復清幽桐柏昔登陟元
武昨淹留既歸養痼疾南北絕浪遊青雲如待我貞白或可傳

韜光步宋考工原韻

拾級上層崑林深氣益寥雲簇峯添嶂風捲竹成潮我老無仙骨舉袂亦
飄飄泉為考工熱鵠隨駱丞遙酷暑如深秋梧葉可先凋鑑光湖舫靜帶
影江渡鷺越客招大隱丹竈挂虹橋

潘貞烈詞

潘浣東楓川人字同里樓氏子咸豐辛酉樓陷賊死貞烈長齋繡

佛奉母以居有樓春槐者少無賴從某達官為僕衣裳楚楚歸耀
閨閉見貞烈艷之夤緣拜其母為義兒母惑之欲以女改字貞烈
不可以死誓母亦中悔又後一年春槐諂事里豪以勢迫之貞烈
恐不免遂自縊殮時母及鄰婦為更相衣縞素而斬蓋隱為樓氏
子成服矣

潘貞烈顏桃李心冰雪幼字樓氏子盟書分明在所天隨自矢紅巾一旦
動地來東南尺土皆塵埃可憐英英年少郎被擄賊營膏鋒鉞關山一去
無消息紫塞魂歸血化碧貞烈五內暗摧傷玉筋闌干頻暗滴堂有老母
無弟兄長齋繡佛延長生淒涼烏鵲啄餘月惝恍衾綢夢裏人人情翻復
多風波獨唱空閨黃鵠歌門外誰家遊蕩子弄姿搔首影婆娑使人婉轉
前致詞口稱賤子為乾兒紅綾十幅珠雙匣母利其財心惑之上山採藤
蕪妾自有故夫不願同生願同死請母擲還綾與珠人道妾心熱妾心寒

似鐵人道妾意温妾意冷如冰嗟嗟母氏志不回截髮割鼻心同哀老梅
百本孟蘊宅柏舟千載共姜臺誰料蕩子多詭計期在必得多方致輾轉
納交里中豪狐假虎威無顧忌渾渾世界誰義俠四鄰聞之心膽怯病噴
老人徒號泣烏能鬱鬱溷迫脅上天下地無救引紅絲一條遂自盡非不
念老親與辱體甯輕生吁嗟乎潘貞烈生養母死殉夫天壤有是人正氣
乃不孤談忠孝說廉恥我輩鬚眉應愧死

三節母吟

兩世三節者徐母太孺人乃廣文斯湘浦繼室趙鄺二孺人為太
學福佑為郡庠福耀配皆飲冰茹藥卅年於茲矣斯氏為吳甯八
姓之望孝友之風播於典錄自遷上林代有聞人不佞居同里開
世為婚姻高祖母太孺人修職郎翼聖公之女兄也先太母太宜
人廣文之從姊猶憶少時過小際謁廣文於堂下儼然道貌退而

與青魯孝廉鑑青茂才遊飲酒賦詩其樂未央方謂百年長如此
日無何而廣文遽歸道山鑑青盛年殂謝孝廉最後亦歿於武林
惟穉香能世其家學而內難外侮紛至沓來乃乘廣柳之車避地
燕京旁觀咸扼腕不平以為天道無知時祚薄門衰太孺人既長
齋繡佛趙鄜二孺人亦晝荻訓兒穉香得以留滯京邸無內顧憂
微三孺人支持門戶則毀巢取子幾不堪設想矣浙東朝貴與穉
香雅有年世習聞三孺人之節操於是我友王太守止軒方官翰
林為之篆額而東陽吳比部佩蔥為之出結山陰吳介唐學士同
邑孫問卿太史為之呈請於朝時高陽李文正方長禮部特疏具
題而三孺人之苦節始彰穉香乃捧之南旋里鄙榮之乃知前日
之所以凌折穉香使之流離奔走者殆欲顯三孺人之幽芳俾縈
紆曲折以伸也今穉香孝歎逾於所生二文孫嶄然頭角文譽日

隆門閣之盛可跂足待三孺人可以少慰於心矣為作三節母吟

珏玉生東海次第歸歐陽祭祭華與稊的的生枯楊解一一自采芡苳凄兮

木上薦練帳泰室憂辛辛頻含蓼解二堂下連城壁屋角鳴鶴鳴廣壑多悲

風仲秋又乏嗣解三絡緯共一室荆布三孤鴻昊天既不憖人事又多窮皎

然日月光共矢柏舟風解四里黨惡少羣咆哮縣官胥吏毒如獾謠啄朋興

同集矢難藏瓊璧張儉逃解五入洛賈彪能解嘲雖然弛禁未頒赦都下留

滯賦式微浮雲遠望遊子駕解六朝紳喧傳三節聲清風亮節動公卿聖朝

坤德化天下飛章入告達輦衡解七太史大筆何淋漓煌煌天語褒欄儀令

子捧歸喜欲涕庭不樹蔥樹卷菴解八

過明故宮

驅盡胡元淨大陸一洗南朝窘邊幅五百年來時事非破瓦頽垣慘心目
朝陽門迫御溝水紫金石危垣氣促臺城高居山之顛蕭郎尚為侯景逐

何況低窪非宅中前星黯後王孫啄燕子高飛入幕來遜國大去化緇禿
鐵冠道人數學淺青田袖手旁晚熟福王降幡出石頭此窟充物腥羶僕
砥礪金城又一炬漢族重伸建奴感橫刀健兒汝何知黃河流禍冀州覆
蕪城明滅半斜陽行人隱隱聞鬼哭

和如園邯鄲曲

走也脩然脫塵樊讀君詩句心復暖魂歸西子湖舸月夢繞王嬙峽上村
燕趙絕代多佳人太原門楣產克琴艷幟高樹津門道香名雷動申江濱
槁木死灰垂老志蟬腹龜腸劫後身枯禪寂寂孤山梅綺念重為詡徑開
按拍共說紅紅好撩人無端燕燕來我疑玉蕭本再世星眸昨轉天質麗
金庭舊識麻姑爪樊榭新承神女睇元相惓惓劉采春蜀繭難描薛濤神
玄霜虔竭求靈藥相期湔袪出風塵元亮間情老更癡獨往窮愁悔已遲
濁酒空自澆蘇小黃金誰與贖文姬梨園法曲我邂逅識卿已在蔣子後

老眼偷看上苑花，不敢重問章臺柳。

望遠曲

去歲東風吹柳絮，海棠花下送君去。今春花開似舊時，不知斷梗泊何處。
花開花落自年年，雁往雁來遼海邊。和淚寫書纏雁足，高飛碧落渺秋煙。

寄衣曲

昨夜西風殺白草，思郎僕僕長安道。欲憑刀尺製寒衣，寬窄不知心燥燥。
自郎策馬離家後，賤妾腰肢瘦損久。試著故衣不稱身，况君日夕風塵走。

仁和學宮楊柳詞喜仿鐵崖體

楊柳枝幾番雨露綠，陰垂託植傍宮牆。垂條幾許長枝枝，葉葉密且齊。一
夕商飈盡向西，建章有側柏冬嶺秀孤松耐守歲。寒雪霜中自醉屠蘇銀
馬乳，短衣窄袖拱黃鼠。楊柳雨作胡語，楊柳露作胡舞。

郡城送駱筠孫孝廉掌教之剡

南歸不得志此去亦為貧須蓄稱前輩舌耕供老親一浮鑑湖棹遙接剡
溪春慎勿窮愁歎卷懷且自珍

弔薛孝廉梅仙

海上一分手嗟君行路難當初生別日豈作死離看儀表想平叔才名悲
子安靈輶千里外西望淚闌干
貧病交相迫皇皇枝借棲歸心鑑湖曲噩夢大江西故國友朋哭寒窗風
雨悽廣陵高調絕何處更尋嵇

作亦園記成并誌以詩

四海論交後輪蹄厭遠遊故人數舊雨星氣識南樓山靜能消暑林深欲
帶秋重吟盤谷序水石助清幽

癸未計偕北上途中口占

計吏紛紛去偕行我獨遲家園風雨別行李水雲知舊淚青衫漬新愁白

髮絲峯嵐四圍合總是亂相思
大地已陽回峭寒鬱未開凍雲連壑樹疏雨浴溪梅苦恨叢中歲猖狂愧
不才九閩猶咫尺行矣曷徘徊

癸未南旋曉發楊村口占
僕僕長安道栖栖近十春客心懸片月鄉夢落雙輪北闕高凌漢西山爽
絕塵垂青路旁柳冷眼笑行人

登天台山拜經臺

福地東南最捫蘿獨陟巔鐘聲飄下界梵語接諸天踞石身疑佛凌雲意
欲仙此行酬宿願重訂再來年

夜宿華頂寺

寂寂華封頂高高列宿尊山中新卜築世外小乾坤皓月心同潔疏星手
可捫此身天上卧尚厭廣寒喧

和曲園師千歲巖藏書五律

作曲園叟峨峨寶掌山內藏黃絹字外有白雲關不逐河山變長留天
地間貝多巖木古依舊碧痕斑
耆賢臻上壽大著合名山岩石常千歲靈魂寄八關昔聞沈井底宛似鑿
楹閒國粹何年復層巒無限斑

附曲園原詩

寶掌峯前路香巖寺外山已將青嶂鑿仍遺白雲關傳語頻伽烏余書藏
此間好煩常護守莫漬蘚痕斑

辛亥春由邑城至翊忠輿中寒甚劇憶三十年前偕計有谿梅犯雪
開句苦不得其全因足成之

獵獵西風急妮妮白髮摧衰年多感喟新歲益徘徊嶺竹經寒俯谿梅犯
雪開不如冬日暖何必望春回

秣陵

王氣說江東朱明此宅中秣陵今曠土建業舊名宮城壘三吳峻車書萬國通共和時局異險要盡成空

夏五返自清岩山行遇雨時居靈隱

溷迹北高山時防俗慮姦雲生谿壑底雨挂竹松間老病衰殘甚槃跚步履艱不妨衣袖濕好洗泪痕斑

步杜草堂宴王使君宅二首原韻并示同學諸子

早知沽酒價不合居長安一卧違時久無才出世難伏龍疑地窄飛鳥覺天寬挽救公私計泥塗我自蟠
內外崩頽久休云氣數關昔年識亡兆此老已衰顏奇傑生南國哦詩逸北山才遺猶道路可識主人還

秋望

薊門昔日隕秋霜玉鏡金鈿苑落涼直指剛馳繡衣使頭銜新進羽林郎
中朝顧命師儒重節相功名史冊光手捧龍髯遺詔泣東陽祕閣獨倉黃
瀛臺榆柳故垂垂秋雨芙蓉大液池玉女明光留錦石侍臣楷法豔烏絲
德陽殿裏初鳴漏端禮門前不樹碑頭白溫公憂國死封章奈得外人知
鉛丸誤進竟逃誅曉日移宮侍者扶西內帶帷真落寞虞淵海石本沈枯
尚方夜徹金銀氣益地西供錦繡圖折檻漢廷真諫議青鞵布鞞老江湖
江邊野老意闌珊極目荒天一倚欄齒革羽毛通上國魚蝦蜃蛤接三韓
南翔白雁西風緊北走黃河落木乾聞說朝陽鳴鳳集西臺珍重惠文冠
十年衰白漸成翁况復清秋潦倒中出塞衛青深入虜靖邊魏絳早和戎
徵符屢下筐箱竭貸詔雖頒杼柚空訊察清時嚴密甚縱橫心計豈徒工
紅樹青山杜若洲驚心天地又清秋島夷叢聚黃陵廟估客新開白下舟
戍卒衛兵皆燕領南箕北斗盡羊頭歸來長缺無聊甚濁酒惟澆萬古愁

蕭蕭蘆荻古維揚鐵甕城頭秋夜涼會計輿臺追猛虎屯田將吏射天狼
波濤捲雪洋航穩草木悲秋逐客忙京國十年飛輓急平原禾黍飽牛羊
瀚海當年牛耳盟中朝歲幣念蒼生紅衣不為黃巾設白羽難傳青海成
蜃氣朝腥通海市龍旂夜耀入邊城摩崖自勒中興頌羣盜南州已早平

和曾比部同年姑蘇憶舊

紫鴛七十記盈盈繡閣惟餘太息聲一樹櫻桃曾繫馬千條楊柳乍聞鶯
折釵恩重離魂處破鏡愁多惜別情一自文園多病後蒼天碧海是前生
憶昔韋郎別玉簫千金記取話良宵臨風紫菟香逾熱出水紅蓮影太嬌
玉椀評茶春寂寂金樽對酒夜迢迢西陵今日婆娑柳不見蕭娘舊舞腰
白社聯吟名士集吮毫獨上小紅樓支頤小立詩情亂細步翻來筆誤尤
湘榻衣香空馥郁春盤茗果最風流天涯今日空相憶人面桃花碧海漚
促膝愬衷不厭煩相王碑下識溫存枚香偷報王昌信玉玦重圓倩女魂

秋水遠山留恨跡
桃花宿雨驗啼痕
臨行裝就金平脫
腸斷元機隴上罇

丁丑北行由嘉善至周浦

野田遙接松江城
青浦黃江路幾程
春水魚龍虛變化
夕陽寺塔照空明
窮民尚苦東南稅
大帥未休榆燧兵
行矣諸君共努力
長纓定屬棄繻生
步吳吏部柳堂先生題壁詩元均

直求位置古人中
慷慨從容愚亦忠
祇見橋山傍遺劍
更誰思子起離宮
孤臣一死扶名教
大禮千秋泯異同
地下鼎湖應侍泣
驂虬想見惠陵東

津門感事

溟池蜃氣縱千尋
猾虜年來積慮深
充國殷憂天下計
贊皇綏御老臣心
鐵船如電飛南北
銅柱擎天閱古今
五月不毛勞撻伐
靖邊碩畫久垂箴
陟聞六詔化蟲沙
遼豕當年自井蛙
開府新馳諭蜀檄
越裳舊錫指南車
樓船萬里追楊僕
烽火三邊恨呂嘉
寄語潢池休竊發
中朝原不棄荒遐

春明感賦

共道長安不易居，塵埃久託漫欵欵。三年已減懷中刺，十上慙修要路書。
歸夢早隨遼海燕，鄉音難覓浣江魚。橫流忽動王尼歎，四海何人識露車。

落花

舞風猶欲拜東皇，鳳泊鸞飄暗自傷。才士文章付流水，美人顏色半斜陽。
墮籬尚現空中相，瘞土終留死後香。春意闌珊春事莫，等閒陌路待蕭郎。
欲將因果問瞿曇，位置茵籬太不堪。籍供馬足魂猶怨，銜入蜂窠味亦甘。
絕代佳人歸塞北，窮愁逐客望江南。年來久已泥塗慣，惜負深恩雨露涵。

秋日海上懷曾君表比部同年

可憐一第艱如許，空有文章滿九州。燕市風塵生白髮，江南草木又清秋。
醉中屢顧周郎曲，霜信先歸蘇季裘。歎息虞山天下士，乾坤無恙且悠游。
哭蔡少谿孝廉

巨卿慟哭向山邱
窀穸他年孰與謀
四上春官仍落拓
十年館穀悔沈浮
劉黃又射金門策
柳季難消漆室愁
莫怨故人遲漬酒
傷心不忍過西州
誰知停轡勸餐日
即是生離死別時
私謚黔婁猶有婦
令名伯道竟無兒
風塵久抱拊膺痛
泉下應無刎足悲
他日春明門外路
山陽回首淚絲絲

戊子六月滬上雜憶

雲翹未必即雲英
爭棄劉郎入四明
鄂渚秋雲留小影
籃橋皓月證三生
幽蘭弱絮前塵夢
碧海青天昨夜情
行矣裴航莫惆悵
有人鶴氅尚吹笙
王昌消息問羅敷
雪骨冰肌憶藐姑
大道對門絲錦履
明光執戟繡羅縠
臺前苦煉千砧藥
匣裏空慚十斛珠
回首稽留山下路
碧雲曾否點春蕪
柳宿遙遙織女星
情天離恨問金庭
三篇玉茗傷心讀
一曲雲璈掩淚聽
蕭史夢回秦女駕
思王誠格洛神靈
中年最有東山感
汗漫征衫為汝青
白頭詞客歎年華
得寶歌殘日易斜
入洛梁生應待汝
驂鸞蕭吏本無家

蓬山路遠愁明月
樊榭秋深悵莫霞
袖裏分明鈿盒在
簫郎此去即天涯
壬辰出都感賦

此生祇合老蒿萊
多病窮途又不才
朽骨虛求偏棄馬
黃金論價別成臺
淹中自有遺經在
橋下終期孺子來
萬里春明空老淚
神州北望首重回
甲午南旋夜宿艇湖

半年萬里數歸程
眼見剡山又滯行
嶺樹出雲原有意
巖泉入海定常清
孤篷冷雨燈無色
獨客荒江榜有聲
幸得還山資講授
河汾此後望門生
茫茫大地竟何之
倦羽雖還悔已遲
結習難消琴劍恥
襟期幸有水雲知
窮如趙壹難成賦
愁並張衡况有詩
傀儡同場原失計
嶙峋鶴骨久違時
己亥五月志例草定送譚復堂返杭

靈光遺老數東南
壇席曾聞說士甘
皋月玄亭方下榻
薰風浣水一停驂
書成典錄思虞預
氣蓋秦中識老聃
問字從容擬載酒
江頭驪唱我何堪

庚子陬月下浣五日虞山薛聚銘山左胡東青黃坡范衡甫招飲吳山趙恭毅祠陪奉常熟葉眉士觀察無錫楊小荔太守漢軍李心源司馬皆乙亥同年即席感賦

重逢舊雨倍相親晚步城闈見故人此座齊年同作者冷氈獨我是間身
遙瞻東浙天邊雨共話神京匝裏塵杯酒龍鍾莫惆悵儒生本色最清貧
流光如夢復如烟昔上公車俱少年豪氣何由消傀儡雄心未老已華顛
德星聚處仍冲斗半世牢愁欲問天今日吳山奉哉烏雪鴻都是舊因緣
天涯落落少知音多感羣公結契深遠志至今成小草中朝何日念遺簪
露車未免王尼嘆擊楫同懷祖逃心最喜青蓮成好事留將瘦影照苔岑
車笠當年聯舊盟羣公略分喜言情改名不第羅昭諫慟哭窮途阮步兵
驚樹映盃心欲遠鷗潮齧岸恨難平時艱投袂平生志滄海波濤正怒鯨

讀史感事

柴市曾聞碧血流，遼東鶴唳望中愁。
輦金絕妙和戎策，鑄鐵可堪誤國羞。
逄戮魯連幸蹈海，逢時王祭重登樓。
六年前事從今憶，掌握河山兩戒浮。
筆硯焚餘舊業荒，追思史事益悽愴。
秦兼六國終歸漢，隋入羣雄盡讓唐。
蜀道有聲悲望帝，應昌無地葬孱王。
一成嗣夏中興志，三戶遺萌鬢已蒼。
我哀沙漠庚申君，猶有和林正朔聞。
階下骨投人未覺，園中瓜熟客平分。
九頭超海思吞鹿，隻手負山可有蠶。
試向鄧林問夸父，是誰莫靄誰朝曛。
精衛癡情欲海枯，移山嘆息愚公愚。
醉心苦索瀛寰記，淬志高吟越絕書。
陶叟勤勞空笑我，謝公哀樂最憐渠。
平生抱負陳同甫，欲上萬言願竟虛。

六十自嘆

湘澧芝蘭慘不春，當年乙巳降靈均。
青山藎首數同輩，白髮中原存幾人。
雅志一繩維大樹，幸留韋布作天民。
愁看滄海揚塵久，可有金丹換骨新。
多壽多辱語本莊，人言晚節何披猖。
彥回早死成名士，衛武當年未改狂。

回首少時今戚戚傷心世道益茫茫問誰能洗衰殘恥松柏崢嶸自鬱蒼
果然晚器竟無成駒隙光陰擲此生精衛不應愁海淺鄧林尚欲望河清
在山草木非無用入穴龍蛇自有聲株兔長年吾老矣讓他孺子早成名
一自金門拂袖歸十年不復上京畿等身豈是千秋業莫齒深慚吾道非
士女忻懸尼父轍門牆誰紹念臺衣同羣幸有斯人在白石青山髮已晞
弔曲園師即用其臨終自喜原韻

經神文伯又詩豪撒手西歸續反騷百子纂論平議富四朝魁艾逸民高
長年屋德同陳實濁世清流侏孔褒易箒逍遙風雪裏名山壇席昔曾叨
著述等身亦臂蟲超然物外望加隆眎為老友孰元定獨闢新畦誰小同
耆舊儻思唐社玷鬚眉還憶宋熙豐料知千歲巖頭石已棄全書寶掌中
浙水難留此老存出塵入世爪鴻痕寰中淚灑九州徧海外形圖千幘尊
齒德普天稱夫子仔肩吾道有文孫明湖添得三台景醜酒墳前盡後昆

詩覽卷之二
世界維新劫後塵尚餘國老儂然身俞樓人去春常在仙館花開笑有因
一柱遙傳天外折三山久已望中淪朗吟十別奇詩句卓卓靈魂弈弈神

弔黃定甫司馬

皖南南望淚潛潛臘底黃墟手筆還豈料遊仙逢此日正從歸客訊清顏
知君久待藥籠貯學子苦將征檄攀愁煞龍鍾諸父老不堪回首敬亭山
投筆當年事請纓材能卓卓動公卿亂民重典書生見射影含沙紙上兵
莫道犀渠難盡燭無端魑魅反相迎居巢政績桐鄉祀棺蓋故應有定評

春分見新柳感賦

犯雪梅開跡已陳風吹枯木竟生新桓公眼碧江頭水盧女眉黃驛路塵
記昔攀條流涕日他時作絮散花身樹猶如此知多少陌上重逢又一春

孝陵

高皇功績與天齊寢殿神靈尚永栖風雨蝕苔翁仲泣桑榆返照石羊嘯

近城陵廟摧殘久故國松楸翦伐悽今日重逢胡運盡布衣腰折一留題
白門感事

繞朝有策悟秦艱保浙上書被逐還黃帝有靈承大統白門重到是衰顏
憂時涕淚風塵下故友凋零天地間聞道六軍齊變計小朝何處覓嚴關
讀退位詔感賦

前年日本滅三韓今見中華天下官哲婦馬肝醫國死織兒螳臂當車難
百年殘虐亡應忽九世仇讎報尚寬袖裏德宗遺詔在逋臣失策可心酸
題朱舜水先生祠

慟哭秦廷向德川甬東血淚望中懸黎洲有母同中國黃蘗無家共寄椽
孱魯魂歸猶領引陽明道大發心傳東瀛今日雄飛久原本先生一派延
浩然去國桴浮浮故土豺狼不可留蒼水血痕同再造南螢畫本亦千秋
神仙謬說三山侶翰墨隱含九世仇避地幼安空皂帽黃初難掩首邱羞

曉日東升射海黃首陽蹤跡在扶桑
人體魄多蟻鶴奴性衣冠已犬羊
精衛血枯尚啣石鄧林杖化益扶樞
東城俎豆西湖水可有靈魂返故鄉
龍蛇大陸不堪聽水戶賓師廩糈馨
有酒應澆徐市墓逢僧獨問喬然經
潮回東海千尋紫塵翳中原一髮青
想像國殤毅魂魄援師猶是望晨星
挈家赴會城舟中口占

屠龍技術本無名打槳中流自在行
東鄙餓塵仍曠野南山霧豹竟州城
身因老病思遺箸歲又凶荒歎孑萌
千載曲江枚叔筆回看越岫莫雲橫
續蒙叟後秋興

獨上稽留此息機賓鴻客燕各勞飛
明珠的的倘朝露餘綺重重空夕暉
昔歲善忘唐社稷平民忽想漢裳衣
愚公不識共和樂越酒湖蓴卧翠微
誤人學說自周聃况效瀛賢豈復慚
寰宇幾人存漢臘勝朝遺恨失秦駝
東吳羅練收應盡西海鯨鮑毒尚含
莫解頭陀老賓客黃金籊滿又何貪

造化顛顛產帝兒，新人喜笑舊人悲。子遺有口絨先進，元老上書已後時。
北極七星終在望，南公三戶莫相疑。神丹九轉功成後，但願官家族李斯。
不見金泥太岱東，洗兵次第奏元功。劉荼尚薄三司貴，雍齒尤貪五等崇。
勸表彌天開霽景，封章飛電疾秋風。當塗自有識書在，何物蝸蟲在眼中。
垂楊搖落尚堪攀，荆棘蒙戎遑計還。脫帽難哉新白髮，接輿可有舊青山。
掣鱣怒氣波濤裏，嘯虎商聲天地間。他日倘來牀下拜，襄陽誰復識衰顏。
蒙莊自昔撰天倪，滿地秋風夕照低。矍圃堵牆無立鶴，蘇門延瀨有連雞。
中原鹿兔兒孫國，大地龍蛇瓜豆畦。蜀相開明禪位詔，蒲卑猶是子鵲啼。
雄風刮地掃荆榛，羣盜滿山已即真。明祖何心伸士氣，漢高卓識賤商人。
祥氛南斗生天舌，趨勢潮流咽海脣。可惜窳欽猶未死，誕宏夸衛漫相親。
強欲登高踞國魂，蕪城明滅幾朝昏。貪心獠子伸饒吻，巧舌鸚哥又飶言。
海國雖開新世界，齊民惟識舊王孫。空餘犀利南狐筆，青史千秋蝨處禪。

雜憶

阿侯消息報鴛鴦珍重盧家蘇合香足下文章絲履好一生齋恨在王昌
二九華年舊舞腰害羞雙頰上紅潮阿瞞銅雀荒涼後猶向東風哭小喬
不記當時山海盟黃金輦路笑將迎長門冷落陳皇后曾把黃金壽長卿
當時捐業怨娉婷一縷柔情刻骨銘總使玉簫能再世韋郎鬢髮已星星
覓得金環啣翠翹丁娘絃索可憐宵如何一曲安公子惆悵光陰泣綠么
太息飛蓬伯執殳堂前黃月澹流蘇東廂火伴諸郎惡爭得時時覓念奴
冬郎才調樊川身紅豆秋鐙讀祕辛休問景陽宮裏事冰花玉屑盡埃塵
明珠十斛原難得白璧千金棄亦輕微倖何人廡養卒邯鄲道上獲才人
君家七十紫鴛鴦羞煞東鄰白玉堂千里江南望不盡尊前苦憶謝秋娘
閉置深宮冷歲華一生心事在王家人間義士最難得珍重黃金鑄押衙
幾年遷謫畏憂讒觸緒愁多恨未艾一曲琵琶人老大江州彈淚濕青衫

雪淚英雄自哭春胸中磊塊消無因阮生別有傷心事何暇殷勤問主人
過桃源洞口占

不羨劉郎不羨仙桃源想像碧流前縱然乞得長生藥瞬息人間已百年
長水舟中

潮落空江人不寐西風瑟瑟雨情惜柝聲未斷雞聲續夜半齊來上客心
長水舟中歲暮懷人

鈿合香盟久寂寥蒼天碧海夢藍橋珠江一去無消息腸斷江南有玉簫
寓言宋玉更荒唐老去還容張祐狂十里珠簾齊下拜買絲戶戶繡王郎
金三侖今湖海高大溫和古性情吏隱年年間歲月鴛湖鷺嶺兩詩人
黑塞魂歸劇可憐越山卧病恨綿綿癡心欲傍團欒月十里夫容好墓田
庚寅二月偕計重過滬上適沈稼村駱筠孫自閩赴都招飲雅雨樓

即席感賦

折簡瓊樓夜倒樽沈郎駱客最温存座中獨執江州袂驗取青衫舊淚痕
桃葉無根空打槳柳絮入水尚浮萍春風好去江南岸一縷柔情又惹人

靈芝吟

逝水年光壁月明陶公何事賦閒情神仙骨格佳人面蕭史洞簫子晉笙
清詞麗句本吟豪醉眼矇矓玉醪成竹在胸珠記事閒翻新閱譜離騷
窄袖烏衣鞠部仙座中快覩李龜年從卿細問開天事說到霓裳一泫然
賭酒旗亭怒老狂縱談世事感滄桑白衣我是羅昭諫日莫河梁淚滿觴
衣裳慘綠照盤飧法曲淒涼黯斷魂屈指黃塵人海裏白頭誰識老伶元
愁到中年比病深被蘿帶荔獨行吟鄂君翠被他生約記取冰絃此夕心
鞭絲帽影認衣香不數盧家玳瑁梁說到江南好風景珠簾齊捲看王昌
蕭郎本是再來身酷愛虞初讀祕辛休問上陽宮裏事何戡便是眼中人
樊榭月明御翠翹野狐威築可憐宵尊前莫唱安公子長乞春陰護綠么

艷福人間羨少年
驂鸞馭鶴恍疑仙
千礎萬杵求靈藥
與汝同生兜率天
仁和東齋感賦

我亦自知身後名
不廉苟賤史先生
眼前瓠落誰相問
倚杖吳山得得行
五十頭顱白髮馘
可堪貧病漫相侵
自知冷暖自憐笑
一椽湖濱卧湧金
欲乞西湖釣巨鰲
調言醉語共相嘲
當年毳毳青田鶴
誰識胸中有六韜
蹀躞山腰與水脣
秋風蕭颯起黃塵
閑來脫履橋邊坐
欲贈素書不見人
朱玉君玉梅館主
所畫楊柳流水便
面高太守邕之為
題識十年後
見之感題一絕

海上間鷗夢已醒
夕陽流水散星星
申江舊事君知否
聞說楊花已化蘋
何籲門孝廉以重
摹張憶娘拈花小
影索題不覺感念
前塵閒情別
寄賦此寓意

雪後金庭訪玉真
畫中髻鬢眼前人
念年苦憶申廛夢
枵觸陳思賦洛神

衰白自憐雪滿梳昔年雅集捧簪裾摹圖似為卿卿作還問昭君怨也無
紅粉當年解愛才青衫猶是滯塵埃披圖省識春風面欲喚紅紅入座來
彈指光陰逝水流佳人名士各千秋生綃重拓拈花影似為王昌寫舊遊

金陵雜詠

形勝黃山說建康中原一統始高皇奈何自失千秋計不信犁眉信鐵張
長江滾滾自西來北固金焦水織回不是東南王氣索天然形勢未曾開
六朝偏伯孫江東簡陋偷安亦素風我在臺城山上望敵來惟藉石頭雄
史書宋魏分南北島索英雄得失忙雖有謝陳功績在氣吞北虜祇劉郎
雪花如掌撲江城北虜無能勢已成太息東南民力盡借籌前席不勝情
采石

黃壚浪迹已糝糊逐客江南一酒徒我與青蓮同捉月詩魂酬得一杯無
流水滔滔去不回強元今日已成灰渡江發軔清胡虜獨讓開平一躍來

烏江

項羽喪身地烏江一帶流祇愁江上水不恨失秦州三戶亡秦族
驢虞雨
棄難江東亦非小壯士還何顏

諸暨圖書
ZHUJI LIBRARY

諸暨詩英續編卷三
長江滾滾自西來
六朝偏佑楚江東
大書宋魏分南北
會苑如常漢江流
乘瓊政事亦非小
郡陳書集英莊
流光應好去不
...



諸暨詩英續編卷三

邑人徐道政病无輯

男頌 檇楚樵校

陳遜聲

字蒼曙楓橋人光緒十二年進士改庶吉士授編修出為松江知府鹽梟久為惠公密致其黨為導師捕其魁置諸法松窪下苦潦濬支河三十餘並籌歲修費數萬金以澤民以憂歸孝禍起暨俗素強仇教公獨命與往牌頭鎮喻之途與眾還勢洶洶斫與前衛深寸餘正告之曰吾楓橋陳某也來活爾為指陳利害眾悟且泣爭棄械走而城中莠民忽遽起公促官守閉城捕其魁五人斬以徇事立平服除以勞遷道員入參政務出為川東道甫蒞任即平開縣寇萬餘次年又以計縛黔中盜魁劉大成江北廳煤礦綿延數百里奸民私售與英商外務部與訂租約公力爭之英領事恫喝百端不為動卒以賤值贖回治渝二載歸當局數招之不復出著有明逸民詩畸園碑說及詩集等病无節錄金梁清史稿光宣列傳

秦始皇

始皇吞六合下令命阮儒丹書置魚腹黔首仍不愚明歲祖龍死驪山焚

匣襦哀哉文信墓一束誰薦芻

項羽

楚國餘三户亡秦必由楚重瞳項將軍有力猛如虎鉅鹿十餘壁憑觀盡

慄股奈何垓下歌慨慷和虞舞

漢高祖

東南王者氣隱在芒碭裏拔劍斬白蛇赤龍應運起大風揚沛宮亭長為天子千秋萬歲後魂魄猶戀此

鄭子產

水火論不刊崔蒲匿其跡刑書鐵鑄之腐史衰執法申韓不足言後世誰嗣業在蜀武鄉侯在秦王景略

子貢

翩翩裘馬子壇坫膺專使片語折強吳錦駟歸鄉里縱橫自君創貨殖由君始故友有原思槁餓窮巷死

伍員

涕泣別申胥尋仇思覆楚大雪來問渡脫劍贈漁父劍值逾千金視之若

無視掉舟破滄溟中渡鳴榔艇

無視棹舟破滄溟中渡鳴煙艣

商鞅

商君才傑出幼習申韓術創議卻千羊尤官去六蝨阡陌甚便民變法亦良策亡命去澠池功成身竟裂

張儀

蘇秦與張儀同學同遊說蘇季貴多金張君疑盜壁讀書辱此身謂妻視吾舌吾舌倘猶存卿姑勿悒悒

孟嘗君

薛中六萬家任俠漸成俗狗盜入咸陽雞鳴賺函谷初無國士知祇以俳優畜彈鋏歸去來公門俱碌碌

范雎蔡澤

相印劫穰侯秦政歸范叔網成伺其後穰釜入函谷得失若循環功名有

反覆應侯讓客卿須賈逢張祿

魯仲連

遊趙介平原尊秦抗魏使羞聞西帝名甯蹈北海死始識魯連生乃是天下士立談褫秦魄一洗赧臺恥

樂毅

峨峨黃金臺俯臨滹沱水郭隗作傀儡昌國乃佳士奈何聊城頭飛入魯連矢棄印奔常山骨存駿馬死

荆軻縛諸豫讓

倚柱罵秦王秦兵渡易水進魚刺王僚僚死傳公子不為社稷計衆人非國士何如三擊衣從容伏劍死

韓信

王孫遇嫖母一飯銘終身登壇握兵柄項劉隨屈伸天下謀逐鹿兔狗俱

難剛始知漢宰輔不及一婦人

難馴始知漢宰輔不及一婦人

張耳陳餘

耳贅外黃家餘妻公孫氏埋姓陳監門遊客漢天子誓作刎頸交終身共
生死耳兵下井陘餘頭沈泚水

田橫

淒涼唱薤露輓客盡衣縞穿塚留其孔自到墓門道須臾五百人一一碎
其腦至今東海中屹峙田橫島

陸賈

陸生南粵歸囊有千金貯好時買良田侍姬教歌舞命男各具餐五日一
過汝餘事勿溷公閉門著新語

季布

劉季購布頭周君髡布首逃之東魯國賣與朱家叟昔窘漢主軍今作傭

奴偶迴望濮陽城春風吹廣柳

賈誼

文章似九歌賦鵬淚滂沱隻身吟湘澤一命終
長沙宣室不再召投文弔汨羅卜肆逢季主彷彿似詹何

司馬相如

文君窺坐客知是馬相如知己喻琴心並馬出城都朝吟白頭詩夜抱封禪書
秋雨茂陵壁春風邛市墟

李廣

北平晨射虎中石沒其羽飛將不封侯晚年羞對簿銜鬚強引刃斂尸無當戶
哀哉故將軍千營淚如雨

李陵

都尉五千兵匈奴十萬騎無顏見故君寡恩忍相棄故友循刀環降將無

還意淒楚詠河梁讀之酸人鼻

汲黯鄭莊

汲黯好任俠論交契傳袁兩家全
盛日櫪馬長夜喧貴賤交情見
雨雲傾刻翻一生與一死大署翟公門

劇孟

儒墨拘文義世肩委不擔談道屏任俠輕之若棄飢七國同時反
條侯奉命戡乘傳忽大笑劇孟在河南

太史公

清娛隨龍門靜好棲蠶室文得江山助書參春秋筆斷始自炎黃憤世傳
游俠所以稱通史班生空喋喋

乙酉春日客刻踰走馬岡至芥阮嶺山瀑暴發

北征隘太行東遊小岱宗生平百兩屐踏徧千萬峯未若此山絕峯峯吼

玉龍玉龍貪游戲墮落天九重來此深山裏鼓濤助長松一瀉千巖落一
轟萬壑聾假爾飛騰勢雲雨際會逢澎湃到人間天下應洪濛

遊剡西諸山

自我來剡西好山看不足天宇正新涼萬綠潤于沐童冠三五人歌嘯出
林麓撥徑攀藤蘿問途揖樵牧五更出剡城暮投山村宿村翁為余言兒
在城中讀歸來說先生聞名久已熟呼媪具晚飯延我入茆屋言有太白
山林泉最清淑山下鹿苑寺寺前百丈瀑週圍無雜樹漫山皆修竹雲深
不辨路朝夕凝寒綠中峯倚天表巒嶂相迴伏時有漢晉人于此卜棲築
聞言披衣起呼僮籠鐙燭未曉出門去言從褚伯玉

遊明心寺三首

出城未一里已覺俗慮蠲涼風吹木末曠野得秋先山寺渡鐘聲盪破千
林煙清氣從地出與之相迴旋孤鶴來雲外導我踰層巔迴磴與覆嶂一

路相鈎連塔從山背出寺向谷口懸我行不覺遠已到方丈前
山僧喜我來延之入禪室呼僮劬山芋撥火煨餉客笑汝非懶殘我亦非
李泌同為亂離人山林計亦得吾聞渤海高父子文章伯解組構層閣顏
以歸鴻額旁築藏書寮編部度六籍子略與剡錄等身富箸述今纔數百
年故址已湮沒碑銘埋黃土石羊卧路側又聞仲皎師此山曾卓錫說禪
驚野狐講法醒頑石參破色空界自謂無生滅詎知未百年溘然歸圓寂
至今閑閑蒼無處覓遺跡知後之視今猶今之視昔人生百年中俯仰只
一息願借山中酒一飲醉千日
僧野不知詩寺僻難留宿策杖尋歸途長嘯下前麓秋露白如霜迷茫徧
茆屋山翠滴我衣襟袖凝寒綠夜深少行人山靈憫我獨送我以清風照
我以明月星沈魚鱗息折盡雞聲續山城不下鍵市樓猶留燭過巷聞吠
犬叩門呼僮僕火向鄰家乞詩待明朝錄得句定欲仙茲遊亦非俗

自金陵至漢口

軟帆負嫩旭江山益峭蒨前渡抹墟煙孤舟繞野岸江天接平蕪雲樹屢
遷換捩舵隨江轉山容相背面村市綠楊郭春水桃花澗歷歷晴川樹戀
戀遠山眷美人辜蘭芷漁歌雜騷怨倚棹盱漢皋留珮增繾綣

開匪初平諭官吏

余昔守吳淞沿海震鼓鞞一年勉安輯九峯無臬棲去秋膺簡命今夏到
巴西治事未卅月搆亂雜蠻氏遑爺好弄兵弱頭慣煽夷焚誓川主廟狂
如觸藩羝是時瘦巫民春作正扶犁避兵拋耒耜熟田變荒畦未種秧漸
枯已種苗化稊桑婦提筐走老弱共扶攜無飯食蠶蛹無菜蕘桑蕘兵賊
所至處空巷無犬雞存者延殘喘死者委塗泥長吏實不德何以謝蒼黎
蜀產多膏腴蜀民無孑遺家產已蕩盡折賣到妻兒奸民招誘之無食為
所迷哀哉愚民愚為盜誅難移一旦玉石焚白骨與山齊況復賊平後吏

更噬其臍苛派輸賠款典質到袴袿縣官日追呼吏胥坐守提使臣將王
命對之實慘悽流涕告官吏循良幸勉為賤子媿不才撫字非所宜明年
將陳乞委節歸故谿扁舟下三峽春深子規啼

出峽

入峽令人愁出峽喜神佑吾心無愁喜出入隨所邁探勝蜀東西着屐維
恐後題詩剗石厓咄咄同島瘦辭官賦歸歟東川解印綬船行夏雨中萬
山水輻輳灑瀕石如龜下巖瀑淹驚峽裏猿不啼巫中雉不雉神女十二
峯浪撼朝雲岫煙雨自迷濛江山俱娟秀晨霞吐麗旭山花錯如繡仰瞻
兵書峽蜃氣噓白晝下有不測浪江闕龍蛇鬥大小空艚峽壁陡急湍溜
怪鵲穴石棲孽蛟挾浪走新灘沒水中但聞鼉鼉吼村買肥頭魚樹懸塞
鼻雌宦囊無長物滇石籠兩袖舟停黃牛峽出險感夏后長年紛賽神濁
酒船頭酌我獨攜蠟屐遠尋蝦蟆竇汲泉煮春茗淨洗風塵垢登眺扇子

峽名山眼底湊我詩如謝客能令泉石壽呼僮沽村酒提挈雜甕甃飛醖
賀江山險句窮雕鏤

題王文成畫像為王小梧作

有序

余藏有陽明先生像尤鳳邱畫王龍溪贊鄞范氏天一閣舊物也
壬寅三月先生裔孫王小梧司馬出示家藏摹像為舒立濬所仿
明人手跡向蘇州萬錄為補寫龍溪贊而余系之以詩

光緒辛丑仲春月慈湖論文十日留天童石窗屐齒徧乘興又作月湖遊
月湖明瑟水木淨碧沚堂前夜泛舟天一閣搖湖心月月光皎潔似中秋
夜半叩閣主人出邀我觀書共登樓身到琅嬛窺清祕唐絹宋槧不勝收
臨行貽我陽明像巖巖道貌癯而道似倅甯藩獻行在搢笏垂紳拜冕旒
高陽篆題龍溪讚道學勛名古罕傳再拜什襲藏行篋攜之作宦遊蘇州
蘇州太守今通儒陽明後裔亦名流同官往還惟詩酒一斗百篇恣唱酬

酒酣示我先生像與我前圖又不侔幅巾道服神蘧蘧似已挂冠歸龍邱
真蹟流傳三百載跋題大半蘇與歐善化中丞深景仰留鎮黔中嚇蠻酋
家傳摹本舒生畫神光炯炯耿雙眸披校兩圖忽神王吾鄉先達似伊周
講學餘閒演韜略首戴大帽次涖頭武廟荒晏羣盜起逆濠縱賄結錢劉
誰其啓之本兵陸圖危社稷蓄異謀先生輕舟返南贛持竿驅虎如驅牛
誓師樟鎮指揮定徑擣南昌扼其喉黃家渡與八字腦一戰再戰礪戈矛
樵舍火攻陷方陣餘艘盡焚狼煙浮手縛叛藩付張永鐫詩蕭寺頌皇猷
功成遭謗幾不測抱膝長吟聲啾啾陽明集有啾啾吟卒以至誠感天子賜券裂封
無讐詆晚歲更平思田亂經略藤峽握勝籌請告歸謁伏波寺四十年前
夢綢繆賦詩紀事留蠻碣長與銅柱鎮荒陬方今世局更翻新中原衣冠
變旃裘潢池不靖民騷動神州陸沈至尊憂越國山川出種蠡霸才自古
能復仇安得先生作領袖渡江定變鞏金甌吾生公鄉無所似一官濩落

滯長洲鳥鵲橋邊斜陽巷獨攜絹素訪尤求

徐病无曰似退之

戲作

李廣百戰不封侯孟嘗斛酒換涼州湘纍媧媧逐江流趙壹骯髒雪滿頭
亞父撞斗不自休伍員抉眼恨悠悠遲曜傭眷德曜愁危邦不去空咿嘷
世亂須披嚴陵裘功成趣辦范蠡舟胡為碌碌長淹留長倩抱關王仲羞
甘作犧牲供尊俎會看文梓斷中溝君不見王濟作鞅裴楷楸世事今歸
東閣牛

遊太白巖歌

太白夢中遊天姥屐齒未曾到剡浦風吹夢醒墮煙霧縹緲奇峯無去所
賤子生降古會稽天將名山特賚予朝吞雲英暮殮霞天姥山色挂窗戶
東白西白犬牙錯沃洲四明張兩股北摹李斯紀功碑南探禹穴羣玉府
訪友頻棹戴溪雪釣遊常在東山隴飛鳳臺下吹鳳簫射鹿山頭擘鹿脯

閒酌聲晨遊天台歸來衣濕桃花雨晚年持節蹙東川遊山興為王寧阻

閒約肇晨遊天台歸來衣濕桃花雨晚年持節巡東川遊山興為王事阻
船窗終日作卧遊太白巖巖又目覩桃花潭客風流尹置酒山堂集簪組
雨吹嵐翠沾襟袖風送巖淥入尊俎主賓陶陶樂未央乘興重鼓峽江舫
移酒藉坐浮杯池夫容荔子神楚楚曲觴流水各賦詩三月修禊仿蘭渚
大清光緒丁未年仲春之月日廿五會者十人詩八章紫石山民某某序
詩興遊興不可遏探穴捫壁勇可賈唐人題名收響搨涪翁碑記手摹撫
攝衣直上積書巖攜杖徧叩琅嬛圃石匱赤文千萬卷牙籤標記甲乙部
車載馬馱壯官色歸與靈威較儂汝福地親窺寶笈書詩人例作名山主
大笑太白不如我酌酒自賀傾碧醪快哉此遊乃千古宣城青山何足數

劉天成

劉天成起鹽販據山棚大眼強頭招醜類藪祠深夜效狐鳴焚香結社川
主廟埋書造符小波營胠篋探囊恣鈔掠旅人白日不敢行官軍勦捕動

經歲狡如脫兔竄若鼯有時負嵎扼山險又如猛虎莫敢攫忙家店石子
城十里百里任縱橫我來東川駐節旌按營細柳塵不驚指揮瞎巴演陣
勢芟夷遑爺過亂萌壯士短衣肝膽露將軍匹馬刀劍明雪矛雲旛相摩
盪鼓聲礮彈若雷轟前者氣衰後者進攀厓轉石若猿輕劉天成跳梁無
計力難撐束手就縛鷹目瞪朝入檻車暮登程片帆駛抵渝江潞船頭唱
凱擊銅鼓傾城圍觀若堵牆意氣昂藏對刀薄自言家住瀘水濱生小力
農供叟姥縣官鞭撻責租徭衣無襦袴炊無哺啼飢號寒憫妻孥私結無
賴販鹽鹵鹽兵搜緝盡銖銖鎗遁入黔邊謀嘯聚揭竿篝火號梟徒虎子蠻
奴來入伍某官賂賄億萬千某家豪橫田無數劫其妻孥責其償散給殘
疲濟貧窶小隊急裝掠山城官軍見之勿敢拒去年官來巡東川貪吏懦
帥竄若鼠夔開斯叟遽就擒虜子彭排失黨羽百姓感官仇吾徒將士因
循懼官怒東邨扼砦細搜捕西村鳴鼓嚴截堵螳螂奮臂思窺營白梃齊

下如急雨毒蛇突獸紛騰逃走匿山最深處半年無食散泉徒傲翅戰

下如急雨毒虺突獸紛騰逃走匿黔山最深處半年無食散梟徒斂翅戢
翼投網罟數歲弄兵觸王網罪應萬誅無可語嗚呼劉天成汝意亦良苦
汝謀何不臧輕身陷囚虜任俠罹刑汝自取劇孟朱家今何所汝性如鷲
力如虎丈八蛇矛手能舞何不勉力從軍旅荷戈負戟守邊圉謀建功勛
博圭組胡為肆劫害商賈妻子輸作青海奴血肉甘膏藁街斧劉天成吾
戮汝賜汝一盃酒覆汝一盃土九原汝應媿不武願汝再生毋跋扈為國
守邊禦王侮努力疆場報明主

故孝廉族姪孫偉

九里山下梅花麓一間二間茆茨打頭屋屋外積雪三尺足中有人兮開
門掃雪倚樹攤書讀我騎蹇驢往造之冷風吹衣頸欲縮雪花梅花撲面
飛驢蹠屢仆孝泉曲到門相看無一言就君手中之書相與質問剖疑竇
突無煙兮廚無粟拾柴支石煑麥粥誠哉一飽足禦寒敝褐頓如重綿煖

詁經之奧說鏗鏗邊笥便便藏在腹便約明年讀書處期在石嶺山脚白
茆峯下紅葉村頭人跡不到之空谷土牆鑿作晏子楹菜園改種陶令菊
四部分日定課程空山一年忘歲月漸西山人折簡速青氈移住西湖澳
曲園先生掌講席絳帳高才半鄭服先生口頰常津津首稱二陳比二陸
伯樂一顧身價增兩浙人士皆刮目癸乙前後登賢書公車計偕貢帝闕
我入玉堂窺清秘君獨下第歸鄉塾自此相離不相見越樹燕雲隔南北
魯郊絕筆箋獲麟賈傅攤牋賦飛鵬自君死後二十年我始辭官歸東蜀
下馬訪君舊茆蘆檢架讀君愈愚錄漢宋源流縷分晰鼠嚙魚蠹幸完幅
家世青氈無長物郎君明經膺薦牘吁嗟乎新學少年持朝局鴟鴞蔽天
鳳凰伏赤舌噓燄燒六經斯文一線無人續我生宇內徒碌碌九州無地
容我足不如學君長謝人間世地下高眠蘧蘧熟

冬夜雜詩

選八首

交爭皆為利遺孑獨遭災腰玉纏廡養頭銜贈盜魁猱升秦日觀臬繪漢
雲臺竊國與封爵都從賣鬼來
盲風從北至落日忽西斜寒憫餒毛雀聾驚沸耳蛙蒼生盡漂泊白髮獨
咨嗟天缺何由補搔頭問女媧
編史千秋業偷生一息存姓名書汝社甲子寄南邨媿入遺民傳難忘故
主恩只餘心未死家祭望兒孫
劫後凋殘甚今年歲又荒採薇難忍餓避穀苦無方憤世傳游俠逢人問
死喪更聞議加稅吏檄到鄉莊
白雁飛來後紅羊度劫年中原歎板蕩黨禍畏株連同志餘孤掌低顏避
老拳屈伸師尺蠖亂世庶能全
朝局狐憑社人情蜮射沙壯輕吳慶忌老匿魯朱家絕筆長楊賦傷心廣
柳車荒荒人世界荆棘滿天涯

詩
卷
三
殘年詩為命亂世酒澆愁檐角飢鴉噪山頭凍雀憂寒風吹薄幕落日下
荒邱故里炊煙少官胥擾未休
世間難託跡酒國有王春詩學陶元亮途逢劉伯倫有田皆種秫隨地可
埋身誓以糟邱老頽然一幸民

臺城

老來怕見冶城春玉樹瓊華跡已陳淺水眠鷗酣入夢故宮鷓鴣宿承塵
相公曲子馬瑤草江左夷吾史道隣誤盡朝廷俱此輩新亭對泣有何人

小倉山

策驢徑上小倉山黃葉蕭條白日間女弟攤箋同賦雁老夫倚樹看放鵬
風流散入江山裏詩卷猶存天地間粥鼓鼙鼙催客去隨園一角接禪關

憤世

蠻觸紛爭黑水濱靦顏猶自講和親地非自主難言割國到無民始覺貧

入洛銅駝應下淚，餽虞璧馬豈無因。何人鮮作徙薪計，爛額焦頭盡上賓。
接徐菊人書

昔日隨鑿侍九重，年來蹤跡各飄蓬。五更細數衙前鼓，一飽羞聽飯後鐘。
病骨支離同瘦鶴，少時意氣似元龍。故人孺子今猶健，萬里書來一盪胸。
寄內黃君

北京歸後南京住，悔逐風塵說夢華。千里鄉書詢法喜，一鐙秋雨病維摩。
皋橋廡近要離塚，宅步門隣鐵篋家。遊宦不如歸去好，與君相約種梅花。
金陵雜感

神京板蕩事可憐，南渡弘光又紀年。一代江山輸博塞，六宮羅綺選嬋娟。
鳴鸞曉發雞鳴埭，司馬新呈燕子箋。城北烽煙休顧問，明朝賜宴曲江邊。
夕陽簾幕影參差，獨自當窗教畫眉。赤鳳飛來容易誤，烏龍睡熟未曾知。
春風曲子桃花扇，秋雨深閨栲栳詞。喚醒華清宮裏夢，北兵南渡已多時。

水亭子下忍重過。勝粉殘脂感慨多。錦瑟校絃唱崑曲。紅巾裹淚寄冬哥。
謝家畫盒同心冊。頓女新聲蹋臂歌。駐鶴西湖留石刻。風流應讓顧橫波。
秋樹無煙澹夕陽。劫餘風景儘淒涼。金閨門外逢梅福。桃葉渡頭弔李香。
朝籍注銷從走卒。舞衣脫却禮空王。秦淮舊事誰能憶。只有瓜州蕭伯梁。
南渡風騷孰主持。虞山文筆合肥詞。橫波畫舫迎桃葉。紅豆絳樓護柳枝。
為慮蛾眉輸織室。爭從馬首拜王師。應知蒙袂歸田日。羞讀瓢中絕命詩。
勝國江山拾劫灰。尚書柴市絕可哀。大中橋下秦淮水。故友墳前蜀嶺梅。
不及生前辭北闕。何須死後哭西臺。淒涼四士從亡者。都是田橫島裏來。
烏衣巷口感滄桑。半屬前朝舊草堂。一曲清溪鄒滿字。三間老屋杜于皇。
神州快閣同憑覽。天水遺民盡激昂。最是感時人易老。秋風做鬢已成霜。
猶憶乾嘉全盛時。厲公白下有袁絲。將軍後至稱琴隱。淑配偕來作畫師。
小倉山接城西路。妙相庵為屈子祠。四壁九歌留粉本。汨羅遺恨有誰知。

湯貞懃偕妻董婉貞寓城西琴隱園城
陷投河死屈子祠九歌圖夫人所畫

宛梨生小長千住萬里三湘被亂驅夢裏紫釵驚小玉軍中白馬馱明珠
典籤賣畫稱龍尾量藥提囊捋虎鬚化作冤禽同畢命大江易涸石難枯
匈奴自古號天驕安得將軍竟渡遼敢把野蠻輕上國惜無司馬相中朝
清班久悔辭蓬島雜事猶能記板橋付與柳麻重演說河廳拍案總魂銷
嗚咽江聲撼石頭河山舉目已殘秋虞封不臘廷臣去曹社將亡野鬼謀
遺老有心存漢麻衰年無淚灑神州生平豪氣銷除盡嬾上城西舊酒樓
被人呼作小朝廷屠火積薪卧未醒使節南來方借箸夷船北去已揚舲
媿無魏絳和戎策歸築元家野史亭莫道山中無甲子排年猶欲註玄經

寒夜吟一百八十首

有序選二十七首

寒夜讀書一鐙如豆言念故人半成鬼籙間有存者天各一方風
雨無悽寒蟲學吟人雜死生詞兼衰刺江東暮雲渭北春樹廣陵

琴散山陽笛聲交縈于懷不能自己

俞曲園先生 階青編脩

天下儒林同一哭魯靈光墮吾道窮他年若復行周禮三老應徵鄭小同

杜蓮衢先生

采菽山頭謝豹啼陽明洞口草萋萋如今越派將誰屬衣鉢應傳杜會稽

李愛伯先生

生前意氣攝公卿死後箸書滿帝京化作文星光萬丈至今人指李長庚

丁濂甫先生

五字流傳人世間長城老峙佛圖關詩魂飛渡六千里夢到江南浮玉山

徐季和先生

白首昌黎思陸九礪城灑淚望松楸幸有青山埋骨地不留藁葬在忠州

寶竹坡先生 壽百福庶常

白頭宋玉幸生存九賦難招死後魂
花落西城風力猛又吹鷓血溼蘭蓀
祁文恪公

歐九門生盡白頭斜街同作買花遊
西風吹墮羊曇淚四眼井邊梧葉秋
嵩犢山先生

載酒玄亭問字時花閒示我華山碑
平泉草木猶如舊東閣無因得再窺
鄭黼門先生

自公解組卧嵩陽十載未過舊草堂
今日黃巾非漢賊應無人拜鄭公鄉
潘文勤公

國事紛紜思老成自公死後太阿傾
滄桑朝野翻新局應有九原歎息聲
景第亭烏紹雲兩先生

翰林故事夢京華連轡同看上苑花
一事難為泉下告御河橋畔見銅駝
袁慰庭樞密

閱武堂中駐節驂六卿九列盡庭參
鰕生不作平原記差勝山陰陸劍南
王夔石相國

東朝召對語樞庭每及遼陵輒涕零
太息老臣歸浙後山陰道上見冬青
袁爽秋太常

臬鵬紛紛集墓門桐江夜雨泣忠魂
何人解作西臺記菜市應並柴市論
許竹簣侍郎

天子淒涼執手年殿前碧血化秋煙
十年未斷傷心淚又到巴山聽杜鵑
吳佩蕙郎中

斜街花市訪君家十九當關報上衙
不及今年秋水漲鯉魚銜接到三巴
剡西老民

城市歸來帶夕曛花村吠犬隔林聞
泉聲夾澗梅花瘦穩坐籃輿度白雲
任伯年畫士

山陰畫派出吾家春餞圖籠淺碧紗安得九原喚君起玉鉤斜畔繪桃花
朱廉泉教諭

浦陽江水會嚴瀨夫槩山光接富春嫁娶圖成同一笑生來姓氏是朱陳

丁碩甫孝廉 錢申甫拔貢

太白峯頭謝豹唳落花亂墮碧雲谿文人何處堪埋骨最好青山是剡西

周筠谿先生

龍漢當年罹劫灰逃生獨坐破書堆至今燕寢蟲蟲夜猶夢先生載笠來

周孝懷觀察

恥同噲等出論功武庫森森羅一胸可惜將軍猿臂手只為射石挽雕弓

周少逸觀察

錯鐵鑄成事可哀萬牛力挽莫能迴白山黑水殘碁局更有何人睹豎來

王卓人明經蔣省三孝廉 馮韻莊副貢 金琴舫大令 彭甫明

經

吾黨當年氣不孤
論文五載住西湖
歸來隄柳都無恙
怕到橋頭舊酒壚

孫瘦生茂才

能為吾道作干城
俠骨森森舊有名
應笑君家孫北海
祇營複壁匿臺卿

蔣笠山孝廉

故鄉文獻賴君傳
白髮丹鉛手一編
何日扁舟還故里
校書煮茗品康泉

鄺方之茂才

廿卷詩存鏤版新
浣溪風雅未全湮
丹鉛累世傳家學
高士軒中有替人

寒夜續吟二十首

有序選十首

勞生役役靡有甯
息四十年中船唇車跡拉
雜成吟以紀吾轍


夢魂夜夜到蘭亭
畫裏山陰棹未停
只恐白頭歸去晚
六陵不見舊冬青
桐江嗚咽暮潮迴
遺墓何人澆一盃
太息文山今日死
知無皋羽哭西臺

傳聞西母幸瑤池紀事弇山刻樹眉自古盤遊能召亂龍邱猶有偃王碑
蕪城碧樹玉鉤斜明月棠梨蹠暮鴉多少迷樓司寢女香魂化作廣陵花
如今吾道破藩籬譯得蠻書傲仲尼哭過泰山山下路無人更訪李斯碑
管絃更奏碧池頭槐葉故宮起暮愁極目平乘樓上望何堪老淚灑神州
柯亭劉井渺如煙金馬銅駝卧路邊昨日天津橋下過南州白鶴話堯年
殘冬枯木老僧懷檀板縷衣事事乖三月紅心春草滿吳宮猶夢葬金釵
二陸祠前罨墓煙華亭鶴淚晚秋天何如鐵笛楊居士修竹鄉中有墓田
兩處草堂錦水邊浣花翁去闢為田白山陵樹萬千里更有何人拜杜鵑

查浦老人有男能耕讀女能織之句賦六絕以足其意

男能耕讀女能織寒有衣兮飢有食鼓腹陶陶擊壤歌亂離中有太平日
男能耕讀女能織門外稻篷高百尺軋軋機聲出閨中六十老人得衣帛
男能耕讀女能織飽暖無憂農事畢兒似小蓮名鹿頭妾學淨鬟畫蝴蝶

男能耕讀女能織六十老人又無疾擊壤集編邵堯夫種秫酒釀陶彭澤
男能耕讀女能織孫兒啞啞纔繞膝飯後與僮爭棗梨鐙前催母炒山栗
男能耕讀女能織辛苦一年年已畢今年祀神有肉供去年彈鋏無魚食







諸暨圖書館
— ZHUJI LIBRARY —



諸暨圖書館
— ZHUJI LIBRARY —



諸
既
詩
英

第
三
冊

上海圖書館
SHANGHAI LIBRARY

諸暨圖書館
ZHUJI LIBRARY



TIFFEN Color Control Patches © The Tiffen Company, 2007

Blue Cyan Green Yellow Red Magenta White 3/Color Black